


千金寶要







千 金 寶 要

孫 思 邈 集

編主五雲王

編初成集書叢

要寶金千

中華民國二十六年六月初版

編集者

孫思邈

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

張

九三五

重刻千金寶要序

千金寶要十七卷。附論及千金須知爲十八卷。宋宣和時郭學士思從孫徵君思邈所撰千金方擇要刻石華州公署。自明正統景泰間俱有木石刻本。至隆慶六年秦王守中復刊石耀州真人祠。四庫書未及收錄。余遊關中得其搨本藏笈中。按家徵君生於後周。卒於唐永淳之代。葉夢得避暑錄話稱其作千金前方時已百餘歲。後三十年作千金翼。段成式西陽雜俎則謂昆明池龍宮有仙方三千首。徵君以救龍得之。因上帝不許妄傳。復著千金方三十卷。每卷入一方。千金方本與千金翼方爲二書。是以舊唐書本傳止載千金方三十卷。晁公武陳振孫書目則云各三十卷。今俗本千金翼方九十三卷。不知何人更其次第。千金前方竟不可別。此宣和時擇要本當從前方錄出者。龍宮仙方在其內。眞世間祕異之書。不可不廣其傳。以公同志。書中謂今俗稱豆瘡爲小兒丹毒。又有反花瘡。元人奇效良方始謂之痘疹。可證俗人謂此疾出於近代者非也。縊死人可救。落水死人經一宿猶可活。倉卒間不知其方。書備其術。尤爲濟人之仁術。世之從政者。不師蓋公獄市勿擾之言。惟株累鍛鍊之是務。置一切積貯水利農田學校利益於人之事於不問。以致損傷元氣。感召災殃。誠不如尋覽方書。胸中常有活人之念。爲善最樂。在此不在彼矣。嘉慶十二年七月三日。賜進士及第授通奉大夫。署山東布政使。督糧道。加四級。陽湖孫星衍撰。

千金寶要序

於藩署之濟性堂

刻千金寶要序

千金寶要者。宋徽猷閣直學士郭思。按唐孫真人先生所集千金方中。纂要者也。宣和六年。思曾刻石于華州公署。我明正統八年。華州知州劉整重刻。景泰六年。和州楊勝賢以石刻。冬月不便摹印。易刊木板。往年春。予得之。喜其方之簡便。藥之近易。醫不煩而取效速。信有切于人之實用。迺珍如拱璧。不容自祕。已命壽之梓矣。竊惟寶要纂自真人千金方中。天下之遊耀州真人洞者。歲無虛日。日無虛時。願獨不立石于真人洞前。非所以廣其傳也。因刻于洞前云。隆慶六年歲在壬申春三月。上吉。秦王守中識。

千金寶要目錄

婦人第一

小兒第二

中毒第三

飲食中毒第四

解百藥毒第五

蛇蝎等毒第六

喉痺金瘡第七

瘡疽癰腫第八

霍亂吐瀉第九

虎犬馬傷第十 針折入肉附

舌耳心目等大小便第十一

中風大風水氣第十二

瘡痢癥等第十三

頭風吐逆第十四

疫瘴濁淋第十五

頭面手足瘰癧瘡漏第十六

痔第十七

論

千金須知

千金寶要卷之一

唐 孫思邈集

婦人第一

妊娠難產。燒車軋脂。內酒中服。亦治腹中痛并欬嗽。
妊娠忽苦心腹痛。燒鹽令赤熱。三指撮。酒服之。立產。

又方。吞槐子二七箇。

又方。菟絲子或車前子。以酒或米汁服方寸匕。卽生。

又方。水或酒。服家中黑塵。

子死腹中。及小難橫生。倒生。難生者。半夏白斂各二兩。末之。服方寸匕。亦可。加代赭瞿麥各二兩。佳。小難
一服。橫生二服。倒生三服。子死四服。

又方。榆白皮細切。煮三升。服之。

子死衣不出。上搶心者。急取蟻垤土三升。熬之。令熱。囊盛。熨心。良。

又方。末竈突中墨。三指撮。水或酒服之。

乳無汁者。土瓜根末之一服半錢匕。日三。

衣不出。及橫生逆生者。小麥小豆煮濃汁飲。立出。

產三日不出者。燒大刀鑕。以酒一盞沃之。頓服。

又方。燒藥杵令赤。內酒中飲之。救死不分。穉者。

產乳量絕者。製了半夏一兩末之。丸如大豆。內鼻孔中。愈。

又方。神麩末。水服方寸匕。

又方。舍醎醋。喫面。

子死腹中。牛屎塗母腹上。立出。

胎死腹中。服水銀三兩立出。

未足月而胎死者。以苦酒濃煮大豆。一服一升。死胎立出。

妊娠時疾。子不下。竈中黃土水。或酒。或泔。清調塗臍方寸。乾再上。

又方。酒服車轄脂。

又方。菖白一把。水三升。煮熟。食菖令盡。亦安胎。胎死者即出。

妊娠中蠱。燒敗鼓皮。酒服方寸匕。

妊娠傷寒。芩白十莖。生薑二兩。切。水三升。煮去半。服取汗。

產後血不盡。煩悶。搗生藕取汁。飲二升。良。

產後腹脹痛者。煮黍粘根爲飲。一服卽愈。

五色帶下者。煮飯帶汁。服一盃。良。

月水不斷。灸內踝下。白肉際。青脉上。隨年壯。

又方。服地黃酒。良。或大豆服亦佳。

月水不利。及無子。灸四滿三十壯。穴在丹田兩邊。相去各一寸半。丹田在臍下二寸。

漏下。積年困篤者。取鵲重巢。燒灰末之。服方寸匕。日三服。三十日愈。重巢者。連二年鵲產其上者是。

產後。月水往來多少不定。或不通痛。小腹急。腰身重。白馬尿一升服之。良。

逆生橫生者。竈下黃土。三指撮。酒服。立出。

小兒第二

凡小兒生下不啼者。取兒臍帶向身。卻捋之。仍呵之。百度。亦可以芩白鞭之。

浴新生兒。以豬膽一箇。汁入湯中。令兒無瘡疥。

小兒生輒死者。便覷兒口中懸癰。前上脣有胞者。急以指摘取頭。決令潰去血。勿令血入咽。入咽卽殺兒。

慎之。

小兒臍不合。燒蜂房灰末傅之。

小兒中風口噤。雀屎如麻子丸之。飲下即愈。

兒生三日內。朱蜜多則生陰癩。朱蜜三日內。通得用三豆許。朱蜜後。與牛黃。亦三豆許。除兒百病。牛黃後。可與米飲。研米作厚飲。如豆大。與兒三豆許。止日二。七日後方哺乳。

小兒解顛。熬蛇脫皮末之。和豬頰車中髓。傅頂上。日三四。

小兒肚皮卒然青黑。以酒和胡粉傅上。若不急治。須臾便死。

又方。灸臍左右上下各半寸。並鳩尾骨下一寸。凡五處。各三壯。

小兒暴脹欲死。半夏隨多少。微炮之爲末。酒丸如粟米大。日三。

小兒丹毒。搗慎火草。絞取汁塗之。

小兒赤遊腫。若徧身。入心腹。殺人。搗伏龍肝爲末。以雞子白和。傅之。乾。易之。

又方。白豆末。水和。傅之。勿令乾。

又身赤腫起者。熬米粉令黑。以唾和。傅之。

小兒傷寒發黃。搗土瓜根汁。三合服之。

又方。搗青麥汁服之。

又方。搗韭根汁。澄清。滴兒鼻中。如大豆許。卽出黃水。差。

小兒霍亂。研尿滓。乳上服之。

又方。牛涎。灌口中一合。

小兒客忤。吞麝香大豆許。立愈。

又方。以母月衣覆兒上。大良。

又方。取牛鼻津服之。

又方。取牛口沫。傅乳頭。飲之。

又方。取熱馬屎一丸。絞取汁。飲兒。下便愈。亦治嘔啼面青腹強者。

小兒誤吞針。取磁石如棗核大。吞之。或舍之。其針立出。

誤吞鐵物等。艾蒿一把。剉。以水五升。煮取一升半。服之。卽下。

誤吞髮。亂髮燒灰。酒服。一錢。

吞錢。艾蒿五兩。以水五升。煮取一升。頓服之。卽下。

又方。末火炭。酒服。方寸匕。水服。亦得。

又方服蜜二升卽出。

吞金銀釵鑽白糖二斤一頓漸漸食之多食益佳。

又方吞水銀一兩再服之。

吞鑽及指彊燒鴈毛二七箇末服鵝毛亦得。

吞釵暴韭令萎蒸熟勿切食一束卽出或生麥葉筋縷如非法皆可用但力意多食自消。

吞銅鐵而哽燒銅弩牙令赤內酒中飲之立愈。

吞釘針及箭簇等但多食脂肥肉令飽自裹出。

吞針取懸針磁石末飲服方寸匕卽下。

小兒尿竈丹初起兩股八臍陰頭皆赤者水二升桑皮切二升煮取汁浴之良。

又方燒李根爲灰以田中流水和傅之良。

小兒朱田火丹一日夜卽成瘡先從背漸徧身如棗大赤者濃煮棘根洗之已成瘡者赤小豆末傅之。

小兒野火丹徧身皆赤者用油塗之。

小兒菜萸丹初起背徧身如纈一宿成瘡者煮赤小豆作末以傅之。

小兒廢竈火丹初起足趺正赤色者以棗根煮汁沐浴五六度自愈。

小兒風瘙隱疹心迷悶。巴豆二兩。以水七升。取煮三升。故帛染汁。拭之。大人加減用之。

又方。礬石二兩。末之。酒三升。清令消。帛染拭病上。

又方。吳茱萸一升。酒五斤。煮取一升半。帛拭病上。

小兒隱疹入腹。體強舌乾。蕪菁子末。酒服方寸匕。日三。

又方。蠶沙二升。水二升。煮去渣。洗之。

又方。鹽湯洗了。以蓼子按。傅之。

又方。車前子作末。傅之。

諸丹毒。渠中藻菜。細切。熟搗。傅丹上。厚三分。乾。易之。

又方。芸臺菜。熟搗。厚封之。隨手即消。如餘熱氣未愈。但三日內。封之。使醒。醒好。差止。

五色油丹。縛母猪。枕頭臥之。良。

又方。牛屎塗之。乾。則易之。

赤流腫。搗火麻子。水和。傅之。

又方。以羊脂煎了。磨之。赤黑丹。起徧身者。殺人。

小兒瘡初起。燂漿似火瘡。熟搗桃仁。以麪脂和。傅之。亦治徧身赤腫。

小兒身體頭面生瘡。榆白皮隨多少暴令乾末之。醋和塗。繇以傅瘡上。蟲自出。

小兒丹毒。馬齒莧一握。搗取汁飲之。以滓傅之。

又方。搗赤小豆五合。水和取汁飲之。一合良。滓塗五心。

又方。濃煮大豆汁塗之。良。差亦無癩痕。

又方。臘月豬脂和釜下土。傅之。乾則易之。

小兒五色丹。搗蒴藋葉。傅之。

又方。薤白一把。鼓一升。以水三升。煮取二升。分三服。

又方。柏葉一升。麻子末一升。以水五升。煮三沸。百日兒。每服三合。

又方。搗石榴汁服之。

又方。亂髮灰。鹿角灰等分。三歲兒。以水和服。三錢。七日二。

小兒赤白痢。單服生地黃汁一合。

小兒熱痢。煮木瓜葉飲之。

小兒冷痢。蓼菜搗汁。量大小飲之。一作芥菜。

又方。搗蒜傅兩足下。

小兒暴痢。赤小豆末。酒和。塗足下。日三。油和亦得。

小兒蠱毒痢。藍青汁一升二合。分爲四服。飲之。

小兒渴痢。搗木瓜汁飲之。

小兒頭不生髮。楸葉搗汁。傅之。

小兒瘰瘡。冢中石灰。厚傅之。

小兒浸淫瘡。以竈下黃土。髮灰等分。末之。以豬脂和。傅之。

小兒疥瘡。以臭酥和胡粉。傅之。

小兒濕癬。煎馬尿洗。

小兒斑瘡入眼。浮萍陰乾爲末。以生羊子肝半箇。入盞內。以杖子刺碎。沒水半合。絞取肝汁。食後調下。不甚者。一服。已傷目者。十服見效。大人亦可用。

小兒赤熱腫目。川大黃白礬朴硝等分爲末。冷水調。作掩子。貼目上。

小兒重舌。腫起舌下。以朴硝研水。敷咽喉外。其內用成塊者。含涎出乃平。

又方。地蟬蟲和薄荷。研汁。帛包。蘸舌下。腫起重舌。

極證。用指去爪。先于舌下筋上。擦至根。漸深深擦。如此三次。又用指蘸水。取項後燕窠小坑中筋。自上趕。

下至小窟深深擦入三次。小兒若飲乳勝前則病去矣。

小兒禿瘡及惡瘡。以苦練皮燒灰。以豬脂調傅。大人惡瘡亦可用。

小兒卵腫偏墜。防風牡丹皮等分爲末。每服二錢匕。溫酒調服。鹽湯亦可。

小兒卒客忤。以竈中黃土。蚯蚓糞等分。研細水調。塗兒頭上。及五心良。

又方。米粉鹽等分。炒變色。腹上摩之。

小兒頭瘡。經年不差者。取屋塵末。和油瓶下滓。以皂角湯洗。傅之。

小兒頭瘡。胡粉一兩。黃連二兩。末之。洗瘡去痂。拭乾。傅之。卽差。再發再傅之。

禿瘡。葶藶子細末。先洗。傅之。

小兒惡瘡。熬鼓令黃。末之。傅瘡上。不過三傅。愈。

小兒手足及身腫者。以小便溫煖。漬之。卽愈。

又方。巴豆五十枚。去心皮。以水二升。煮取一升。以絛內湯中。拭病上。隨手消。并治隱疹。

小兒脫肛。灸頂上旋毛中三壯。卽入。

又方。灸尾翠骨三壯。

又方。灸臍中。隨年壯。

小兒疳瘡。嚼麻子。傅之。日六七度。

小兒濕瘡。濃煮地榆汁。洗浴。日兩度。

小兒尿血。燒鵝巢灰。并花水。服之。亦可治尿牀。

小兒解顛。猪牙頰車髓。傅顛上。差。

小兒風瘙隱疹。牛膝末。酒服。方寸匕。漏瘡。多年不差。搗末。傅之。亦治骨疽。癩疾。癰癧。絕妙。

小兒胎寒。嘔啼。驚癇。腹脹。不嗜食。大便青黃。并大人虛冷。或有實不可吐下者。馬齒礬一斤。燒半日。以棗

膏和。大人服如梧子二丸。日三。小兒以意減之。以腹內溫爲度。

小兒五色丹。猪槽下爛泥。傅之。乾則易之。以愈爲度。

又方。服黃龍湯二合。并傅瘡上。

小兒赤丹。芸臺葉汁。服三合。滓傅上。

小兒赤丹斑駁。唾和胡粉。從外向內。傅之。良。

又方。煨鐵屎爲末。以猪脂和。傅之。

又方。屋塵以臘月猪脂和。傅之。

小兒火丹。赤如朱。走皮中。酢和鼓研。傅之。卽愈。

又方。搗荏子傅之。

又方。豬屎水和。絞取汁。服少許。

小兒天火丹。赤如丹。大如手。徧身或痛或癢。生麻油塗之。

小兒火丹。其瘡見骨者。搗小蒜。厚封之。着足踝者是。

小兒殃火丹。每着兩脇及腋下者。伏龍肝末。和油傅之。乾則易之。若入腹及陰。則以慎火草取汁。服之。

小兒夜啼不已。醫所不治者。取狼糞中骨。燒作灰末。水服。如黍米大二枚。其啼即已。

又方。取馬骨燒灰。傅乳上。飲兒即止。

小兒吐痢。燒特豬屎。水解。取汁少服之。良。

小兒大小便不通。灸口兩吻各一壯。

又方。搗白花胡葵子末。煮汁服之。

又方。雞屎白。服一錢匕。

又方。灸臍下一寸三壯。又灸橫紋百壯。又灸口兩吻各一壯。

小兒溫瘧。鹿角末。先發時。便服一錢匕。

又方。灸兩乳下一指三壯。

小兒洞注下痢。蒺藜子二升。搗汁。溫服。以差爲度。

又方。木瓜搗汁飲之。

又方。炒倉米末。飲服之。

又方。酸石榴燒灰。服半錢匕。日三。

又方。炒鼓令焦。水淋汁服之。神驗。冷則酒淋服。

小兒赤白帶下。薤白一把。鼓一升。以水三升。煮取一升。分三服。

又方。柏葉一升。麻子末一升。以水五升。煮取三沸。百日兒。每服三合。

又方。搗石榴汁服之。

又方。亂髮灰。鹿角灰等分。三歲兒。以水和服三錢匕。二。

中毒第三

凡卒死無脈。無佗形候。牽牛臨鼻上二百息。牛舐必差。牛不肯舐。鹽汁塗面上。卽牛肯舐。

又方。牛馬屎。絞取汁。飲之。無新者。水和乾者亦得。一法。以人溺解之。

又方。炙熨斗。熨兩脇下。又治尸厥。

甕死。慎燈火。勿令手動。牽牛臨其鼻上。卽覺。

又方。搗韭汁灌鼻孔中。劇者灌兩耳。一云灌口中。

鬼覓不悟。末伏龍肝吹鼻中。

又方。末皂角少大豆許吹鼻中。嚏則氣通。起死人。亦治中惡。

又方。灸兩足大指叢毛中。二七壯。亦救卒死中惡。

中惡。藜心黃刺鼻孔中。血出愈。一云入七八寸。無苦。使目中血出差。一云男左女右。

又方。使人尿其面上愈。

中惡并蠱毒。冷水調伏龍肝。如雞子大服之。必吐。

又方。溫二升猪肪。頓服之。

又方。車軋脂。如雞子大。酒服之。

又法。中惡。灸胃管五十壯。愈。

卒忤中惡也。鹽八合。以水三升。煮取一升半。分二服。得吐即愈。若小便不通。筆頭七枚。燒作灰末。水調服。

即通。

又方。犢子屎。半盞。酒三升。煮服之。亦治霍亂。一云治鬼擊。又云大牛尿亦可用。

又方。書墨末之。水服一錢匕。

又法。卒忤死。灸手十指。爪下各三壯。又灸人中三壯。又灸肩井百壯。又灸關七壯。又灸巨闕百壯。卒中鬼擊。及刃兵傷。血漏。腹中煩滿欲絕。雄黃粉。酒服一。刀圭。一日三服。血化爲水。

鬼擊之狀。卒着人。如刀刺。胸腹絞痛。或吐血。或口鼻血出。或下血。雞屎白如棗大。青花麻一把。以酒七升。煮取三升。熱服。須臾發汗。不汗。熨斗盛火。灸兩肋下。熱汗出。愈。

又方。艾如雞子大。三枚。以水五升。煮取二升。頓服。

又方。吹酢少許鼻中。

救自縊死。極須按定其心。勿截繩。徐徐抱解之。心下尙溫者。以氈氍覆口鼻。兩人吹其兩耳。立活。

又方。僵臥。以物塞兩耳。竹筒內口中。使兩人痛吹之。塞口傍。勿令氣出。半日。死人卽噫。噫卽勿吹也。

又方。搗阜角細辛。屑如胡豆大。吹之兩鼻中。

又方。搗藍青汁灌之。

又方。刺雞冠血出。滴之口中。卽活。男雌。女雄。

又方。雞血塗。

又方。雞屎白如棗大。酒半盞。灌口及鼻中。佳。

又方。蓼葉。吹阜角末兩鼻中。逆出。更吹。乃可。

又方。梁上塵如大豆。各內一小竹筒子中。四人各捉一筒。同時吹兩耳兩鼻中。卽活。

又方。屎鼻口眼耳中。并捉頭髮如筆管大一撮。掣之。立活。

又方。自縊死。灸四肢大節。陷大指本文。名曰地神。各七壯。

熱喝著熱死者。取道上熱塵。以壅心上。若少冷。卽易。氣通卽止。

又方。仰臥喝人。熱土壅臍上。令人尿之。臍中溫。卽愈。

又方。可飲熱湯。亦可內少乾薑橘皮甘草。煮飲之。稍稍咽。勿使飽。但以熱土及熬灰土。壅臍上。佳。

又方。濃煮蓼取汁三升。飲之。卽愈。如不愈。再飲。

又方。地黄汁一盞。卽愈。

又方。水半盞。和麪一大抄。服之。

又方。張死人口。令通。以暖湯徐徐灌口中。小舉死人頭。令湯入腹。須臾卽蘇。

又方。灌地漿一盞。卽愈。

又方。使人噓其心。令暖。易人爲之。

又方。抱狗子或雞。著心上。熨之。

又方。屋上南畔瓦。熱熨心。冷易之。

救落水死者。以竈中灰布地。令厚五寸。以甑側著灰上。令死人伏于甑上。使頭少垂。下抄鹽二方寸匕。內竹管中。吹下孔中。卽當吐水。水下。因去甑。下死人着灰中。壅身使出鼻口。卽活。

又方。掘地作坑。熬數斛灰。內坑中。下死人覆灰。溼徹卽易之。勿令大熱。燂人。灰冷更易。半日卽活。

又方。取大甑傾之。死人伏其上。令死人口臨甑口。然葦火二七把。燒甑中。當死人心下。令煙出。小入死人口中。鼻口中。水出盡。則活。火盡則復益之。常以手候死人身。及甑。勿令甚熱。當令火氣能使死人心下足得暖。卒無甑者。于岸側削地如甑。空下。如竈。燒令暖。以死人着上。亦可用車轂爲之。勿令隱其腹。令死人低頭。水得出。并炒灰數斛。令暖。以粉身溼更易溫者。

又方。但埋死人。暖灰中。頭足俱沒。惟開七孔。

又方。倒懸死人。以好酒灌鼻中。又灌下部。又醋灌鼻亦得。

又方。緜裹臬角。內下部中。須臾水出。

又方。裹石灰。內下部中。水出盡。則活。

又方。熬沙覆死人面。上下有沙。但出鼻口耳。沙冷溼卽易。

又方。倒懸。解去衣。去臍中垢。極吹兩耳起。迺止。

又方。竈中灰二石。埋死人。從頭至足。出七孔。卽活。

又方。屈兩脚着生人兩肩上。死人背向生人背。卽負持走行。吐出水。便活。

又方。落水死。解死衣。灸臍中。凡落水經一宿。猶可活。

冬日落水凍。四肢直。口噤。有微氣者。以大器中熬灰使暖。盛以囊。薄其心上。冷卽易。心暖氣通。目得轉。口
迺開。可溫尿粥。稍稍吞之。卽活。若不先溫其心。便持火灸身。冷氣與火爭。卽死。

卒中惡風。心悶。煩毒欲死者。急灸足大指下橫文。隨年壯。卽愈。

上件病。若筋急不能行者。內踝筋急。灸內踝上四十壯。外踝筋急。灸外踝上三十壯。立愈。

卒中惡風。眼戴睛。灸目兩眦後。二七壯。

上件病。若不識人者。灸季肋頭七壯。

卒中惡。心痛。苦參三兩。咬咀。以好酢一升。取八合。強人頓服。老小二服。

又方。桂心八兩。咬咀。以水四升。煮取一升半。分作二服。

飲食中毒第四

凡諸食中毒。飲黃龍湯。及犀角汁。無不治也。飲馬尿亦良。

又方。食百物中毒。掘地坑中著水。取以飲之。

又方。含貝子一枚。須臾吐食物。差。

又服生韭汁數升亦得。

中毒煩悶苦參三兩。咬咀以酒二升半。煮一升。頓服之。取吐愈。

食六畜肉中毒。各取六畜乾屎末。水服之。佳。

食自死六畜肉毒。服黃藥末方寸匕。須臾復出。

又方。燒小豆一升。末。服三方寸匕。

又方。水服竈底黃土方寸匕。

食生肉中毒。掘地深三尺。取下土三升。以水五升。煮土五六沸。取上清。飲一升。立愈。

食牛肉中毒。狼牙灰。水服方寸匕。一作豬牙。

又方。溫湯服豬脂。良。

又方。水煮甘草汁。飲之。

食馬肉。血洞下。欲死。豉二百枚。杏仁二十枚。咬咀。蒸之。五升米下飯。熟。搗之。再服。令盡。

又方。蘆根汁。飲。以浴。卽解。

食豬肉中毒。燒豬屎末。服方寸匕。犬屎亦佳。

食百獸肝。中毒。頓服豬脂一斤。佳。

食陳肉毒方同上。

食馬肝中毒。牝鼠屎二七枚。兩頭尖者是。以水研飲之。不差。更作。

食野菜。馬肝肉。諸肺肉。毒。取頭垢。如棗核大。吞之。可起死人。

又方。燒狗屎灰。水和。絞取汁。飲之。立愈。

又方。燒豬骨末之。水服。方寸匕。日三。

茅屋漏水。沾肺上有毒。搗韭汁服之。良。大豆亦得。

肉閉在密器中者。名鬱肉。有毒。燒狗屎末。水服。方寸匕。凡生肉熟肉。皆不藏。蓋不泄氣。皆殺人。又肉汁在

器中。密蓋氣不出。亦殺人。

肺在黍米中有毒。麴一兩。水一升。鹽兩撮。煮服之。

食中射罔肺毒。末貝子。水服。如豆。佳。不差。又服。

食餅臙中毒。方同上。

以肉作餅臙。食多吐下。服犀角末。方寸匕。甚良。

食鵝鴨肉成病。胸滿面赤。不下食者。服秫米泔。大良。

食中魚毒。煮橘皮湯。停極冷。飲之。其效甚大。

食中魚毒。及中鱸魚毒。剉蘆根。舂取汁。多飲。良。亦可取蘆葦葺汁飲之。
蟹毒。方同上。又冬瓜汁。服二升。亦可食冬瓜。

山中木菌毒。人屎汁。服一升。良。

食魚膾不消。燒魚鱗。水服。方寸匕。

食諸鮑魚中毒。方同上。

食牛馬肉中毒。飲人乳汁。良。

酒病。鼓。菖白。各一升。以水四升。煮取二升。頓服之。

飲酒中毒。煮大豆。三沸。飲汁三升。

又方。酒漬乾楫汁。服之。

酒醉不醒。葛根汁一斗三升。飲之。取醒止。又治大醉連日。煩毒不堪。

千金寶要卷之二

解百藥毒第五

凡解百藥毒。甘草、薺、芎、大小豆汁、藍汁、藍實汁、藍根汁、並解。

雄黃毒。防己解。

礬石毒。大豆汁解。

金銀毒。服水銀數兩。卽出。鴨屎解。水和雞屎汁。煮芩汁。並解。

鐵粉毒。磁石解。

防葵毒。葵根汁解。

桔梗毒。白粥解。

甘遂毒。大豆汁解。

芫花毒。防己、防風、甘草、桂汁、並解。

大戟毒。菖蒲汁解。

蜀椒毒。葵子汁、桂汁、豉汁、人尿、冷水、土漿、蒜、雞毛、燒吸煙、及水調服解。

斑貓芫青毒。豬脂大豆汁。或鹽藍汁。鹽湯煮豬骨。並解。

馬刀毒。清水解。

杏仁毒。藍子汁解。

野芋毒。土漿人糞汁解。

諸菌毒。掘地作坑。以水沃中。攪之令濁。澄清飲之。名地漿解。

解鳩毒。及一切毒藥不止者。甘草蜜四兩。梁米粉一升。以水五升。煮甘草取二升。去滓。歇大熱。內粉湯中。

攪令勻調。內白蜜更煮。令熟如薄粥。適寒溫。飲一升。最佳。

解一切毒。母豬尿。水和服之。又水三升三合。和米粉飲之。

野葛毒。已死口禁者。取青竹去兩節。柱兩肋臍上。內冷水注之。暖即易之。須臾口開。開即服藥。立活。惟須

數易水。

石藥毒。白鴨屎。人參汁。並解。

食葇蓉。悶亂如卒中風者。飲甘草汁。藍青汁。即愈。

中鉤吻毒。欲死者。薺芎八兩。咬咀。以水六升。煮取三升。冷。如人體。服五合。日三夜二。凡煮薺芎。惟濃佳。

又方。煮桂汁。飲之。

又方。噉菹涕。

諸毒方同上。

中蠱。茜根。萸荷根各三兩。咬咀。以水四升。煮取二升。頓服。

又方。檲樹北陰白皮一大握。長五寸。水三升。煮取一升。空腹服。卽吐。蟲出。

中蠱下血方同上。

諸熱毒。或蠱毒。口鼻血出。取人屎尖七枚。燒作火色。置水中。研之。頓服。卽愈。亦解百毒。時氣熱病之毒。服已。溫覆。取汗。勿輕。此方極神驗。

諸服藥過劑悶亂者。飲藍汁。水和胡粉。地漿。萸荷汁。水和葛粉。粳米瀝。乾羌。黃連。飴糖。鼓汁。並解。瘡中水毒。炭白灰胡粉等。脂調。塗瘡孔上。水出則痛止。

瘡中水腫方同上。

卒刺手足。中水毒。搗韭及藍青。置上。以火灸。熱徹卽愈。

破傷風腫。厚塗杏仁膏。然麻燭。遙灸之。

蛇蝎毒等第六

凡蛇毒。消蠟注瘡上。不差。更消注之。又以母猪耳中垢傅之。牛耳垢亦可。

蝮蛇毒令婦人尿瘡上。

又方令婦人騎度三過又令坐上。

又方末羌傅之乾則易。

又方以射罔塗腫上血出卽愈。

又方生麻楮葉合搗以水絞去滓漬之。

衆蛇毒乾羌雄黃等分末和射罔着竹洞中有急用之。

又方雄黃末傅瘡上日一。

又方用銅青傅瘡上。

又方搗大蒜和胡粉傅之。

又方雞屎二七枚燒作灰投酒服之。

又方以麩圍上令童男尿其中燒鐵令赤投中冷復燒着二三度差。

又方口嚼大豆葉塗之。

又方豬脂和鹿角灰塗之。

又方鹽四兩水一斗煮十沸定以湯浸冷易之。

又方。搗紫萸取汁。飲一升。以滓封瘡。以少水灌之。

又方。梳中垢如指大。長一寸。尿和傅之。

又方。炙梳。汗出。熨之。

又方。取合口椒胡荽苗等分。搗傅之。無不差。

又方。灸螫處三七壯。無艾。以火頭稱瘡孔大小。爇之。

蛇嚙。人屎厚塗。帛裹即消。

睡中蛇入口。挽不出。以刀破蛇尾。內生椒三兩枚。裹着。須臾即出。

又方。艾灸蛇尾即出。

又方。以刀周匝。割蛇尾。截令皮斷。仍將皮倒脫。即出。

蛇入口。並七孔者。割母猪尾頭。瀝血着口。即出。

又方。以患人手中指等。截三歲大豬尾。以器盛血。傍蛇瀉血口中。拔出之。

卒爲蛇繞不解。以熱湯淋之。

又方。令人尿之。

蛇蝎螫。服小蒜汁。滓傅上。

又方熟搗葵取汁服。

又方取齒中殘飯傅之。

又方猪脂封之。

又方射罔封之。

又方礪砂和水塗上立愈。

又方若着手足冷水浸水微暖則易之着餘處冷水浸故布揄之小暖則易。

又方生烏頭末唾和傅之。

射工毒不治七日能殺人鬼白葉一把內苦酒中漬之熟搗絞汁服一升日三爲妙。

又方取生吳茱萸莖葉一握斷去前後握中熟搗以水二升煮取七合頓服之立愈。

又方取葫切貼瘡灸七壯。

又方赤莧菜搗絞取汁一服一升日四五服。

又方白雞屎取白頭者三枚湯和塗中毒處。

已有瘡者取芥子熟搗苦酒和厚塗瘡上半日痛便止。

又方取狼牙葉冬取根搗之令熟口中處又飲汁四五合。

蝮蛇入耳炒胡麻搗之以葛袋盛傾耳枕之即出。

又方以牛酪灌之滿耳即出。出□□消若入腹中空腹食好酪一二升即化為黃水而出不盡更服于真人自云用手用神効。

水毒凡山水有毒蟲人涉水中人似射工而無物其診法初得之惡寒微似頭痛目眶疼心中煩懊四肢愀腰背百節皆強兩膝痛或翕翕而熱但欲睡旦醒暮劇手足逆冷至肘膝一三日腹中生虫食人下部肛中有瘡不痛不癢令人不覺不急治過六七日下部出濃潰重上食人五臟熱盛毒煩下利不禁八九日良醫不能治矣不過二十日殺人欲知是中水與非者當作五六升湯以小蒜五升咬咀投湯中消息勿令大熱去滓以浴之是水毒身體當發赤斑無異者非也治中水毒取梅若桃葉搗絞取汁三升許或乾以少水絞取汁飲之小兒不能飲以汁傅乳頭與喫。

又方搗瘡耳汁服一升又以縣裏杖沾汁導下部日二過即差。

又方蓼一把搗以酒和絞取汁一升服之不過三服一作藜葉。

又方藍一把搗水解以塗浴面目身體令遍。

又方搗蛇莓根末水飲之并導下部生者用汁凡夏月行常多賣此藥屑入水以方寸匕投水上流無所畏又能辟射工凡洗浴以少許投水盆中即無毒。

人忽中水毒。手足指冷。或至肘膝者。浮萍暴乾末之。酒服方寸匕。

八九月中刺手足。犯惡露腫。殺人生桑枝三枝。內糖灰中。推引之。令極熱。斫斷。正以頭柱瘡口上。熱盡。卽易之。盡三枝。則瘡自爛。仍取薤白搗。緜裹着熱灰中。使極熱。去緜。取薤白。傅瘡上。以布帛急裹之。若有腫者。便作之。用薤白第一佳。

竹木刺皮中不出。羊糞燥者。燒爲灰。和猪脂塗刺。若不出。再塗。一云用乾羊屎末。

又方。服王不留行。卽出。兼取根末。貼之。

又方。煮山藿麥汁。飲之。日三。差止。

又方。用牛膝根莖生者。併搗以薄之。卽出。瘡雖合。猶出。

又方。嚼白梅塗之。

又方。白茅根燒末。以膏和塗之。亦治瘡。因風致腫。

又方。燒鹿角末。以水和塗之。立出。久者。不過一夕。

又方。頭垢傅之。卽出。

惡刺。苦瓠開口。內兒尿。煮三兩沸。浸病上。

又方。濃煮大豆汁。漬取差。

又方。莨菪根。水煮。浸之。冷復易。

喉痺金瘡等第七

喉痺。桂心末。如棗核大。繇裏着舌下。卽破。

又方。荆瀝。稍稍咽之。

又方。只將顛上近頭心髮直上。作力提之。其喉痺。剝然一聲。遂破。最奇。

墮落車馬。及車輾木打已死者。以死人安着。以衣袖掩其口鼻眼上。一食頃活。眼開。與熱小便二升。

凡墮落傷損欲死。取淨土五升。蒸之。令溜分半。以故布數重裹之。以熨病上。勿令大熱。恐破肉。冷則易之。

取痛止則已。凡有損傷。以此法治之。神效。已死不能言者。亦活。三十年者亦差。

腕折骨損者。以大麻根葉搗汁。飲一升。無生麻。煮乾麻汁服。

腕折四肢骨碎。及筋傷蹉跌。生地黃不限多少。熟搗。用薄所損處。又云。爛搗。熬之。以裹傷處。以竹編夾裹。

令遍縛令急。勿令轉動。一日可十易。三日差。若血聚在折處。以刀子破去血。

四肢骨碎筋傷蹉跌。豉三升。水三升。漬。取汁服之。

頭破腦出中風口噤。大豆一斗。熬去腥。勿使太熟。搗末。熟蒸之。氣徧合甑下。以酒一斗淋之。溫服一升。覆。

取汗。傅杏仁膏於瘡上。

凡被打損血悶搶心氣絕不能言可闢開口尿其中令下咽卽醒。

卒中毒矢搗藍汁一升飲之并薄瘡上若無藍取青布漬絞汁飲之并淋瘡中。

又方內鹽臍中灸之。

又方煎地黃汁作丸服之百日矢當出。

又方煮蘆根汁飲三升。

又方多飲葛根汁并治一切金瘡。

又方末雄黃傅之當沸汁出愈。

又方末貝齒服一錢匕大良。

又方搗葛根汁飲之葛白屑熬黃傅瘡止血。

金瘡破腹腸突出欲令人取人屎乾之以粉腸卽入矣。

又被傷腸出不斷者作大麥粥取汁洗腸內之當研米粥飲之二十日稍稍作強糜百日後乃可差耳。

金瘡煩滿赤小豆一升以苦酒漬之熬令燥復漬滿三日令色黑服方寸匕日三。

箭鏃及諸刀刃在咽喉胸膈諸隱處不出者牡丹皮一分白鹽二分一方作白斂二味治下篩以酒服方

寸匕日三出。

又方取苦蕒汁塗箭瘡上卽出。

又方酒服藿麥方寸匕日三差。

卒爲弓弩矢所中不出或肉中有聚血取婦人月經布燒作灰屑酒服之。

又方白斂半夏等分治下篩酒服方寸匕日三淺瘡十日出深瘡二十日出。

金瘡血出不止桑根十沸服一升卽止。

又方柳絮封之。

又方搗車前汁傅之血卽絕連根用立效。

又方飲人尿三升愈。

又方以蜘蛛幕貼之。

金瘡腹中瘀血大麻子三升大蓼白二七枚使數人各搗令熟用九升水煮取一升半頓服之若血出不

盡腹中有濃血更合服當吐膿血耳。

金瘡內漏還自取瘡中血着杯中水和服。

又方七月七日麻勃一兩蒲黃六兩酒服一錢匕日五夜二。

又方牡丹皮爲散水服三指撮立尿出血。

金瘡若痛。楊木白皮熬令燥末之。服方寸匕。日三。又末傅瘡愈。

金瘡若刺瘡痛不可忍。百治不差者。菘一把。以水三升。煮數沸。漬洗瘡。止痛良。傷墜車馬。及諸物隱體肉斷者。以酢和麩塗之。

筋骨傷初破時。以熱馬尿傅之。無癢。

又方。大豆二升。水五升。煮取二升。以醇酒六七升合。和豆升服之。一日盡。如湯沃雪。用小豆亦佳。

落車墜馬。及木崩血。腹滿短氣。大豆五升。以水一斗。煮取二升。去豆。一服令盡。劇者不過三作。

金瘡。便以石灰厚傅。無石灰。只灰亦可。裹之。止痛又速愈。若深。未宜速合者。內少滑石。令瘡不時合也。

針灸瘡。血出不止。燒人屎灰傅之。

金瘡出血多。其人必渴。當忍之。噉燥食。并肥脂之物。以止渴。慎勿鹹食。若多飲粥及漿。犯卽血動。溢出。殺人。又忌噴怒。大言笑。思想。陰陽行動。作勞。多食酸醎。飲酒。熱羹臠輩。瘡差後。猶須如此。出百日半年。乃可復常也。

又方。燒乾梅作炭。搗末傅之。一宿卽差。亦治被打傷。

又方。磁石末傅之。止痛斷血。

又方。桑白汁塗。桑白皮裹。或石灰封之。妙。

又方麻葉三升以水三升煮取三升半爲一服。

又方飲麻子汁數升亦治毒箭所傷。

又方蚯蚓屎以水服方寸匕日三。

又方杏仁石灰細末豬脂和封亦主犬馬金瘡。

又方搗穀子傅之。

瘡疽癰腫第八

發背亂髮灰酒服方寸匕亦治癰疽。

又方飲鐵漿二升取利。

又方三年醋滓微火煎令稠和牛脂傅上日一易。

又方豬脂傅上日四五亦治發乳。

又方豬羊脂切片冷水浸貼上暖則易之五六十片差初貼少許卽寒寒定好眠甚妙。

又方燒鹿角灰醋和傅之日四五。

癰疽手足肩背累累如赤豆剝之汁出蕪菁子熬搗帛裹展轉傅上良。

又方以麻子熬作末摩其上良。

又方。酒和麪傅之。

又方。剝去瘡痂。溫醋泔清洗之。以胡燕巢。百日男兒尿。如膏傅之。

又方。亂髮灰。服方寸匕。日三。亦治發背。

又方。煮芸薹菜。取汁一升。服之。并食乾熟芸薹數頓。少與鹽醬。冬月用其子。水和服之。

又方。以豬膽傅之。良。

又方。枸杞根。葵根葉。煮汁。煎如糖。服之。隨意。

又方。臙月糖。晝夜浸之。數日。乃愈。

疽潰後。鹽湯洗。拭了。燒阜角灰粉之。良。

又方。以牛耳中垢傅之。良。

又方。以生麻油。滓。絲。裹。帛。瘡上。重出。

又方。以沸湯灌瘡中。三四徧。

疽似癰而小有異。今日去膿了。明日還滿。膿如小豆汁者。芸薹熟。搗。濕布袋盛之。埋熱灰中。更互熨之。卽

快得安。不過再三。卽差。冬用乾者。

又方。阜角煎湯洗。拭乾。以藥皮末傅。勿令作痂。

一切腫毒痛不可忍者。取葶麻子搗傅之。卽差。

惡毒腫。一宿可殺人者。茴香草搗取汁。飲一升。日三四服。滓傅腫上。冬中根亦可用。起死神方。

魚臍疔瘡。不大痛者。殺人以寒食餚傅之。良。又硬者。燒灰塗貼。卽差。

又方。先以針刺瘡上四畔。作孔。搗白苣。取汁。滴瘡孔內。

丁腫。忌見麻勃。見卽死者。以針刺四邊。及中心。塗雄黃末。立愈。一云塗黃土。

又方。鼠新坩土。和小兒尿。傅之。

又方。鐵衣末。和人乳汁。傅之。立可。

又方。小豆花爲末。傅之。差。

又方。人屎尖。傅之。立差。

又方。以四神丹一枚。當頭上安。經宿。則根出矣。四神丹方。在第十二卷中。

凡腫病。須百方。內外攻之。生商陸一斤。豬脂一斤。煎。可得二升。二味如煎。令黃。去滓。以磨腫處。亦可。服少許。并塗以緝漬之。燥輒傅之。不過三日。差。

因瘡腫痛者。皆中水。及中風寒所作。其腫入腹。則殺人。溫桑灰汁。漬之。冷。復溫之。常令熱。神祕。

治癰。芫花爲末。膠和如粥。傅之。

瘡發心胸以下者。武都雄黃松脂各三兩。和爲塊。刀子刮爲散。飲服方寸匕。日三。不差。更合。石癰。堅如石。不作膿者。生商陸根。搗。傅之。乾則易之。取軟爲度。又治濕漏諸癰節。

又方。蜀桑根白皮。陰乾。搗末。炷膠。以酒和藥。傅腫。卽拔出根。

又方。醋和葇荑子末。傅頭上。卽拔出根。

又方。蛇脫皮貼之。經宿差。

又方。梁上塵。葵根。莖灰。等分。醋和。傅之。卽差。

又方。櫟子一枚。以醋于青石上。磨之。以塗腫上。乾更塗。不過十度。卽愈。

又方。當上灸之。百壯。石子當碎出。如不出。益壯。乃佳。

癰腫痛。煩悶。生楸葉十重貼之。以帛包。令緩急得所。日二易。止痛兼消腫。蝕膿。其良勝于衆物。如冬月。先

收乾者。用時。鹽潤之。亦可。薄消。楸皮用之。

始覺腫。令消。以葇荑末。三指撮水。和服之。日三。神良。

已結膿。使聚。苦蕒根末之。苦酒和。傅上。燥則易。赤小豆亦佳。

癰腫。芥子末湯。和。傅紙上。貼之。

又方。白蠶石末。蒜和。搗。傅上。差。

又方馬鞭草搗傅上卽頭出。

又方灸兩足大姆指奇中立差仍隨病左右。

癩無頭者吞葵子一枚不得多服。

又方燒葛蔓灰封上自消牛糞灰亦佳。

又方鼠粘根葉貼之。

又方水和雀糞傅之。

又方生椒末釜下七等分醋和塗之一法有麩末。

癰有膿令消雞羽三七枚燒末服之卽潰。

又方人乳和麩傅上比曉膿血出并盡不用近手。

又方箔經繩燒灰末臘月豬脂和傅下畔卽潰不須針灸。

膿潰後瘡不合熟嚼大豆傅之。

又方炒烏麻令黑熟搗傅之。

又方牛糞傅之乾則易。

又方燒破蒲席灰臘月豬脂和內孔中。

癰久不差。馬齒葉搗汁煎傅之。

癰瘡潰後膿不斷。及諸物刺傷。瘡不差者。石硫黃粉一兩。筋一片。搥頭碎。少濕。內硫黃中。以刺瘡孔。瘡差爲度。

癰肉中如眼。諸藥不效。犯丁瘡。蕪菁根。鐵生衣等分。和搗。以大針刺作孔。復削蕪菁根如針大。以前鐵生衣塗上刺孔中。又塗所搗者。封上。仍以方寸匕。緋帛塗貼之。有膿出。易之。須臾。拔根。立差。忌油膩。生冷。醋滑。五辛。陳臭。粘食。

又方。刺瘡頭。及四畔。令汁極出。搗生粟黃。傅上。以麩圍之。勿令黃出。從旦至午。根卽拔矣。

又方。以麩圍瘡。如前法。以針亂刺瘡。銅器煮醋。令沸。瀉麩圍中。令容一盞。冷則易之。三度。卽拔根出。

又方。取蛇脫皮如雞子大。以水四升。煮三四沸。去滓。頓服。立差。

又方。取蒼耳苗。搗取汁一二升。飲之。滓傅上。立差。

一方。灸掌後橫文後五指。男左女右。七壯。

癰肉中如眼。諸藥不效。取附子。削令如碁子。安腫上。以唾貼。以火灸之。令附子欲焦。復唾濕。復以火灸之。

如是三度。令附子熱氣微內。卽差。

一切毒腫疼痛。取草麻子熟搗傅之。卽差。

脚腫向上至腹卽殺人者赤小豆一斗以水三斗煮令爛出豆以汁浸脚至膝每日一度差止若已入腹不須浸但煮豆食之忌鹽菜米麪等渴飲汁差乃止。

瘡久不差差而復發骨從孔出名骨疽以豬脂和楸葉搗封之。

又方搗白楊葉傅之。

又方蕪菁子搗傅之帛裹一日一易。

又方穿地作坑口小裏大深三尺取乾雞屎二升以艾及荆葉搗碎和雞屎令可然火坑中燒之令煙出。

將疽就坑口熏之以衣擁口勿泄氣半日當有蟲出甚效。

附骨疽槲皮燒灰飲服方寸匕。

又方灸間使後一寸隨年壯立差。

一切丁腫蒼耳根莖苗子但取一色燒爲灰酢泔淀和如泥塗上乾則易之不過十度卽拔根出神良。

又方取鐵漿每飲一升立差。

又方麪和臘月豬脂封上立差。

又方蒺藜子一升燒灰醎醋和封上經宿便差或針破頭封上更佳。

又方阜角子取仁作末傅之五日內差。

又方艾蒿一擔燒作灰于竹筒中淋取汁以一二合和石灰如麪漿以針刺瘡中至痛即點之點三遍其根自拔。

赤眼丁熬白粉令黑蜜和傅之良。

又方以新罌鼠壤水和塗之熱則易之。

又方搗馬牙齒末臘月豬脂和傅之可拔根出亦燒灰用。

火燒瘡慎不得以冷水洗熱得冷更深入骨壞人筋骨□□初被火燒急更向火灸雖大痛強忍之一食久即不痛神驗。

又方家中一女子火燒手且浸浸至掌急以酸酢升餘浸之出酢尚痛時不痛止不瘡不膿不癢神妙神妙。

又方未熬油麻和梔子仁塗之惟厚爲佳。

又方已成瘡者燒白糖灰粉之即燥立差。

因瘡而腫痛劇者數日死或中風寒或中水或中狐尿刺燒黍穰若牛馬屎若生桑條燒取多煙以熏之。

汗出愈如無生桑條取得多煙之物燒熏汗出愈。

又方熱蠟內瘡中新瘡亦善。

又方以鼻公英草根莖白汁塗之。惟多塗爲佳。大神効。此草蜀中名耳癩菜。關中名苟乳。乳奴狗切。腸癰。雄雞頂上毛。并屎。燒作末。空心酒服。

又方。截取檐頭尖少許。燒作灰。水和服。當作孔出膿血。愈。

又方。瓜子三升末之。以水三升煮。取一升五合。分三服。

又方。死人冢上土作泥塗之。

內癰未作頭者。服雞屎卽差。

又方。腸癰。屈兩肘正。灸肘頭銳骨各百壯。則下膿血。卽差。

婦人妬乳。取葵莖灰末之。飲服方寸匕。日三。□□法爲末。不爲灰。

又一方。取研米槌二枚。灸令熱。以絮及故帛搗乳上。以槌更互熨之。差止。

乳癰。以水礮盛酢泔清。燒石令熱。內中。沸止更燒。如前。少熱。內乳漬之。冷更燒石。內漬。不過三燒石卽愈。

又一方。取菖白搗傅之。并紋汁一升。頓服。卽愈。

又方。柳根削取上。皮搗令熟。熬令溫。盛練袋中。熨乳上。乾則易之。一宿卽愈。

又方。鹿角治下篩。以豬脂上清汁。服方寸匕。不過再服。亦可以醋漿水服。

千金寶要卷之三

霍亂吐瀉第九

霍亂轉筋。蓼一把。去兩頭。以水二升。煮取一升。頓服之。一方作梨葉。

又方。燒故木梳灰末之。酒服一枚。小者永差。

又方。車轂中脂。塗足下差。

又方。作極鹹鹽湯。千槽中煖漬之。

又方。以醋煮青布搗之。冷復易之。

轉筋不止。若男子。以手挽其陰牽之。女子。挽其乳近左右邊。

轉筋在兩臂及胸中者。灸手掌白肉際七。又灸竈中。中府。巨闕。胃管。尺澤。并治筋拘頭足。皆愈。

霍亂引飲。飲輒乾嘔。生薑五兩。咬咀。以水五升。煮取二升半。分二服。高良薑大佳。

中熱霍亂。暴利。心煩。脈數。欲得冷水者。新汲井水。頓服一升。立愈。先患胃口冷者。勿服之。

霍亂吐下腹痛。以桃葉煎汁。服一升。立止。冬用皮。

走哺轉筋。灸踵踝白肉際。各三七壯。又灸小腹下橫骨中央。隨年壯。

轉筋四厥。灸兩乳根。黑白際各一壯。

轉筋。灸湧泉六七壯。在足心下。當拇趾大筋上。又灸足大趾下。約中一壯。

又方。轉足踝聚筋上。白肉際。七壯。立愈。

轉筋入腹。痛欲死。四人持手足。灸臍上一寸。十四壯。自不動。勿復持之。又灸股裏大筋。去陰一寸。

霍亂轉筋。令病人合面正臥。伸兩手著身。以繩橫量兩肘尖頭。依繩下夾脊骨兩邊。相去各一寸半。灸一百壯。無不差。

霍亂已死。有煖氣者。灸承筋。取繩量圍足。從趾至跟。取等折一半。以度。令頭至跟。踏地處。別縱上至度頭。即是穴。灸七壯。起死人。又以鹽內臍中。灸二七壯。

霍亂洞下不止。艾一把。水三升。煮取一升。頓服之。良。

又方。香茅一把。水四升。煮取一升。頓服之。青木香亦佳。

蠱毒宿食不消。霍亂極鹹鹽湯三升。熱飲一升。刺口令吐。宿食使盡。不吐更服。吐訖復飲。三吐乃住。此法大勝諸治。俗人以爲田舍淺近法。鄙而不用。守死而已。凡有此病。卽須先用之。

又方。菡豆一升。香薷一升。以水六升。煮取二升。分服。單用亦得。

胞轉小便不通。亂髮急纏如兩拳大。燒末醋四合。和二方寸匕。服之。訖卽炒熟黑豆葉。蹲坐其上。

又方。阿膠三兩。水二升。煮取七合。頓服之。

又方。鼓五合。以水三升。煮數沸。頓服之。

又方。麻子煮取汁。頓服之。

又方。連枷關燒灰。水服之。

又方。筆頭燒灰。水服之。

又方。灸玉泉七壯。穴在關元下一寸。大人從心下處取八寸。是玉泉穴。小兒斟酌取之。

又法。灸第十五椎五十壯。

又法。灸臍下一寸。隨年壯。一曰四寸。

吐逆霍亂吐血。灸手心主五十壯。

吐血。生地黄肥者五升。搗以酒一升。煮沸。三上三下。去滓。頓服之。

又方。服桂心末方寸匕。日夜可二十服。亦治下血。

忽吐血。熟艾三雞子許。水五升。煮取二升。頓服。

又方。燒亂髮灰。水服方寸匕。日三。亦治舌上忽出血如簪孔者。亦治小便出血。

中蠱下血。日數十行。苦瓠一枚。以水二升。煮取一升。稍稍服之。當下蠱。及吐蝦蟇科斗之狀。一月後乃盡。

又云苦瓠毒當臨時量用之。又云用苦酒一升煮。

虎犬馬傷第十 針折入肉附

虎咬瘡。煮葛根令濃。以洗之。十遍。飲汁。及搗爲散。以葛根汁服。方寸匕。日五。甚者夜二。

又方。青布急卷爲繩。止一物。燒一頭。然內竹筒中。注瘡口。薰之。妙。

又方。煮鐵令濃。洗瘡。

又方。嚼栗子塗之。良。

剝死馬骨傷人。毒攻欲死。便取馬腸中尿。塗之。大良。

又方。取其屎燒灰。服方寸匕。

狂犬咬人。毒有七日一發。百日內殺人者。每到七日。搗韭汁飲。一二升。當終身禁食犬肉蠶蛹。若犯則死。

不可救。瘡未愈之間。禁食生魚。及諸肥膩冷食。但于飯下蒸魚。及于肥器中食。便發。不宜飲酒。過一年。

乃佳。

獼犬。嚼人。搗地榆。紋汁塗瘡。無生者。取乾者。以水煮汁飲之。亦可。末之。服方寸匕。日三。兼傅之。過百日止。

又方。搗韭絞汁。飲一升。日三。瘡愈。止。

又方。以豆醬清。塗之。日三四。

又方刮虎牙或骨服方寸匕。

獼犬毒燒虎骨傅瘡及熨。又微熬杏仁搗研取汁服之。良。又取燈盞殘油灌瘡口。此皆禁生菜豬肉魚酒。

又方用韭根故梳二枚以水二升煮取一升頓服。

又方桃東南枝白皮一握水二升煮取一升分二服吐出犬子。

又方服芎藭子七枚日一。

又方梅子末酒服。

獼犬所齧惡血未盡灸上一百壯以後當日灸一壯若不血出刺出其血百日灸乃止。禁飲酒猪肉。

凡犬咬人以熱牛屎塗之佳。

針折入肉中刮象牙末水和聚着折針上即出。

又方磁石吸鐵者着上即出。

舌耳心目等大小便第十一

舌卒腫滿口溢出須臾不治殺人急以指刮破舌兩邊去汁即愈。

又方取釜下墨以酢厚傅舌上下脫去更傅佳。

又方半夏十二枚洗熟以酢一升煮取八合稍稍含漱之吐出加生薑一兩佳。

又方。滿口含糖。酢少許。時熱通卽止。

舌上出血如泉。燒鐵篋。熟烙孔中。良。

舌強不語。礬石桂心等分爲末。安舌下。立差。

耳中有物不可出。以弓弦從一頭令散。傅好膠。注耳中物上。停之。令相着。徐徐引之。

耳聾乾聵。不可出。三年酢灌之。最良。緜塞之。半日許。必有物出。

百虫入耳。末蜀椒一撮。以酢半升調灌耳中。行二十步卽出。

又方。桃葉火熨卷之。口塞耳。立出。

又方。車肛脂傅耳孔。自出。肘後以療聾耳膿血。

又方。以菘涕灌耳中。虫卽出。亦治耳聾。

齒斷間血出不止。生竹茹二兩。醋煮含之。

又方。溫童子小便半升。取三合含之。其血卽止。

九孔出血。搗荊葉取汁。酒服二合。一卽荊芥。

九種心痛。取當太歲上新生槐枝一握。去兩頭。咬咀。以水三升煮。取一升。頓服。

又方。桃白皮煮汁。空腹。以意服之。

婦人心痛布裹鹽如彈丸燒作灰酒服。

又方燒秤錘投酒中服佳。

又方炒大豆投酒中服佳。

產後卒心腹痛桂心三兩酒三升煮取二升去滓分三服日三。

又腹中苦痛生牛膝五兩酒五升煮取二升去滓分二服若乾牛膝根卽酒浸一宿方可煮。

奔豚氣急作湯以浸兩手足數數易之。

又方灸章門百壯一名長平二穴在大橫外直臍肋端。

又方灸氣海百壯穴在臍下一寸半。

又方灸關元百壯在臍下三寸。

又方灸中極五十壯在臍下四寸。

又方灸期門百壯直乳下第二肋端傍一寸五分。

又方灸四滿二七壯穴夾丹田兩傍相去三寸卽心下八寸臍下橫文是也。

奔豚腹中與腰痛灸中府百壯穴在兩乳上三肋間。

耳聾有膿不差有虫先以絛纏去耳中汁以礬石末粉耳中次以石鹽末粉其上食久乃起不過再永差。

聾耳。桃仁熟搗。以故緋絹裹內耳中。日三易。以差爲度。

治底耳黃。礬燒。絲裹內耳中。不過三日。愈。或以葦管吹耳中。

治虫心痛。鶴蝮末之。密和梧子大。服四十九日。三蜜湯下。加至五十九。慎酒肉。

又方。鶴蝮一兩末之。空腹溫酢一盞。和服之。虫當吐出。

又方。服漆一合。

熱翳漫睛。以羊筋漱口。熟嚼。夜臥。開目納之。卽閉目睡。去膜。明日差。亦治眯目。

眼暗。以銅器盛大酢三四升。煎七八日。覆器溼地。取銅青一合。以三月杏白仁一升。取汁和銅青。傅之。日

不過三四度。大良。

又方。含黃蘗一爪甲許。使津置掌中。拭目訖。以水洗之。至百日眼明。此法乃可終身行之。永除眼疾。神良。

雀目術。令雀目人至黃昏時。看雀宿處。打令驚起。雀飛。乃咒曰。紫公紫公。我還汝盲。汝還我明。如此日日

暝。三過作之。眼卽明。曾試有驗。

大小便不通。葵子末一升。青竹葉。以水二升。煮五沸。頓服。

又方。葵子一升。榆皮一升。水五升。煮取二升。分三服。

又方。葵子一升。以水三升。煮取一升。去滓。納豬脂一升。空腹分二服。

又方。甌帶煮取汁。和蒲黃方寸匕。日三服。

又方。豬脂一升。以水二升煮。三沸。飲汁立通。

又方。灸臍下一寸三壯。

失欠頰車蹉。一人以手指牽其頤。以漸推之。則復入矣。推常疾出指。恐悞齒傷人指也。

又方。消蠟和水傅之。

目昧不出。以蠶沙一粒吞之。卽出。

卒食物入鼻。有入腦。羊脂如指大。內鼻中。吸上。物隨脂下。

鼻中出血不止。搗楮葉汁。飲三升。大良。

齒痛。蚯蚓糞。水和。作稠泥團。以火燒之。令極赤。如粉。以臘月豬脂和。傅斷上。日三兩度。永差。

又方。馬齒菜一把。嚼之。卽差。

齒根動欲落。生地黃絲裹着齒上。咋之。及咬咀。以汁漬齒根。日四五。并咽汁。十日。大佳。

大甲難好膠三寸。菖白一把。以水四升煮。取一升半。頓服之。卽下。

又方。葵子汁和乳汁等分。服之。立出。

大便失禁。不拘老人小兒。灸兩脚大指。去甲一寸。三壯。又灸大指奇間。三壯。

小便不通。水四升。洗甑帶。取汁。煮葵子。取二升半。分三服。

又方。胡燕糞。鼓各一合。和搗丸。如梧桐子大。服三丸。日三。

又方。髮去垢。燒末一升。葵子一升。以飲。服方寸匕。日三。

又方。石槽塞灰土。井花水。服之。日三。

又方。服車前子末。方寸匕。日三百日止。

卒不得小便。車前草一把。桑白皮半兩。咬咀。以水三升煎。取一升。頓服之。

婦人卒不得小便者。杏仁二七枚。熬末。服之。立通。

又方。紫菀末。井花水。服三指撮。立通。血出。四五度服之。

大小便不利。葵子二升。消石二兩。以水五升煮。取二升。分再服。

小便不利。大便數。注。灸屈骨端五十壯。

胃反。食則吐。搗粟米作麪。水和作丸。如楮子大。七枚。爛煮。內酢中。細細吞之。得下便已。麪亦得用之。

胃反。食即吐出。上氣。蘆根。茆根各二兩。細切。以水四升煮。取二升。頓服之。得下良。

又方。飲白馬尿。即止。

又方。淘小芥子。暴乾爲末。酒服方寸匕。日三。

又方。灸兩乳下各一寸。以差爲度。

上氣。上酥一升。獨頭蒜五顆。先以酥煎蒜黃出之。生薑汁一合。共煎令熟。空腹溫服。方寸匕。

上氣嘔吐。芥子二升。末之。蜜丸。寅時以井花水服。如梧子大。七九日。二亦可作散。酒浸服。治臍下絞痛。

脚氣入腹。困悶欲死。吳茱萸六升。木瓜兩箇。切以水一斗三升。煮取三升。分三服。如人行十里久。再進一服。或吐。或汗。或利。或大熱悶。卽差。此起死人方。

卒疇。滿口着蜜食之。卽下。

又方。刮椿杵頭細糠。含之。卽下。

又方。老牛涎。棗核大。水中飲之。終不復疇。

齩齒及虫痛。切白馬懸蹄如米許。以絛裏着痛處孔中。不過三度。

又方。家中法以煮酒蠟少許。任在虫孔子中。以熱火筋烙之。令蠟融于孔。立愈。

熱病後眼暗失明。以羊膽傅之。旦暮各一。

明目。令髮不落。牛膽中漬槐子。陰乾百日。食後吞一枚。十日身輕。三十日白髮再黑。百日通神。

明目。小黑豆。每日空心吞二七粒。

又方。三月三日。採蔓菁花。陰乾。治下篩。空心井花水服。方寸匕。久服。可夜讀細書。

目赤及翳。烏賊骨、鉛丹，大小等分，合研細，和白蜜如泥，蒸之，半食久，冷着眼四眇，日一。

治三十年聾，故鐵三十斤，以水七斗，浸三宿，取汁，入麴釀米七斗，如常造酒法，候熟，取磁石一斤，研末，浸酒中，三日，乃可飲，取醉，以絛裹磁石，內耳中，好覆頭臥，酒醒去磁石，卽差。

耳聾鳴，汁出一二十年不差，礬石少許，以生薑蒲根汁和，點入耳中。

耳聾，巴豆十四箇，成鍊，松脂半兩，合治，丸如黍米大，絛裹，以簪頭着耳中，一日一易藥，如硬，微火灸之，以汁出乃愈，妙。

又方，菖蒲、附子等分，末之，以麻油和，以絛裹，內耳中。

又方，芥子搗碎，以男兒乳和，絛裹，內之。

又方，作一坑，可容二升許，着炭火，其中坑似窰形，以磚覆口上，磚上作一孔，可容小指，磚孔上着地黃一升，以木盆覆之，以泥泥盆下，勿泄，盆底上鑽一小孔，可容筋，其孔上着三重布，以耳孔當盆上，熏久，若悶，去黃水，髮裏鹽塞之，不過二三度，神効。

又方，酒三升，浸牡荊子二升，碎之，浸七日，去滓，任性服盡，三十年聾，亦差。

又方，硫黃、雄黃各等分，末之，絛裹，內耳中，數日，聞人語。

大風半身不遂。蠶沙兩石。熟蒸。作直袋三枚。各受七斗。熱盛一袋着患處。如冷。卽取餘袋。一依前法。數數易。百不禁。差止。須羊肚釀粳米。荳白。薑椒。鼓等爛煮。熱喫。日食一枚。十日止。千金不傳。百種風。灸腦後項大椎平處。兩廂。量二寸三分。各灸百壯。得差。須取病人指寸量。卒病惡風欲死。灸第五椎。名曰藏輸。一百五十壯。三百壯。便愈。

中風口僻。眼急。諸藥不能差者。枳實上青。刮取末。欲至心止。得茹五升。微火炒。去溼氣。以酒一斗漬。微火暖。令得藥味。隨性飲之。大驗。治緩風急風並佳。

中風口喎。炒大豆三升。令焦。以酒三升。淋取汁。頓服之。口噤不開。亦治。

又方。大皂角一兩。去皮子。下篩。以三年大酢和。左喎塗右。右喎塗左。乾更塗之。卒氣短。搗韭汁。服一升。立差。

大風疾。煉松脂。投水中二十徧。蜜丸。服二兩。飢便服之。日三。鼻柱斷離者。二百日服之。差。斷鹽及雜食房室。

又方。天門冬酒服。百日愈。

大風。灸百會七百壯。

腎寒。灸腎輸百壯。

中風口喎灸手交脈三壯左灸右右灸左其炷如鼠屎橫安之兩頭下火。

風勞毒種疼痛攣急桃仁一升研如常法以酒三升攪和頓服之厚衣蓋令汗不過三劑。

猥退風葶麻子脂一升酒一斗銅鉢盛着酒中一日煮之令熟服之。

失音濃煮桂汁服一升覆取汗亦可末桂着舌下漸漸咽汁。

又方濃煮大豆汁含亦佳無豆用豉。

歷節風松膏一升酒三升浸七日服一合日再數劑愈。

冷氣氣短蜀椒五兩絹袋盛以酒一斗浸之二七日服之任意多少。

卒上氣鳴急便欲死者搗韭汁服一升良。

乏氣枸杞葉生薑各二兩咬咀以水三升煮取一升頓服。

心腹冷痛熬鹽一斗熨熬蠶沙燒磚石蒸熨取其裏溫暖止蒸土亦大佳。

虛勞浮腫灸太衝百壯又灸腎輸。

虛勞不得眠酸棗榆葉等分末之蜜丸如梧子大每服十五丸日再。

又方乾薑四兩末湯和頓服覆取汗愈。

一切虛羸鹿骨一具碎枸杞根切二斤二味各以水一斗別器各煎汁五升去滓澄清仍合一器共煎取。

五升日二服盡好將慎皆用大斗。

補虛羸九月十日取生溼枸杞子一斗酒六升煮五沸出取研之熟濾取汁令其子極淨暴子令乾搗末合前汁微火煎令可丸酒服二方寸匕日二加至三方寸匕亦可加至五十九。

腹脹滿繞臍結痛堅不能食灸中守百壯穴在臍上一寸一名水分。

脹滿氣聚寒冷灸胃管百壯三報穴在鳩尾下三寸。

脹滿瘕聚滯下冷疼灸氣海百壯穴在臍下一寸忌不可針。

脹滿氣如水腫狀小腹堅如石灸膀胱募百壯穴在中極臍下四寸。

脹滿腎冷瘕聚洩利灸天樞百壯穴在臍傍相對橫去臍兩傍各二寸。

諸冷極馬蘭子九升淨治去土空腹服一合日三飲及酒下之服訖須臾以食壓之取差乃止。

骨蒸天靈蓋如梳大灸令黃碎以水五升煮取二升分三服起死人神方。

又方取人屎灰以酒服方寸匕日三。

走疰燒車釭令熱暫入水以溼布裹熨之。

三十年氣疰鼓心半升生椒一合以水二升煮取半升適寒溫用竹筒縮取汁令病者側臥以手擘大孔

射灌之少時當出惡物此法垂死悉治得差百千不可具述。

欬嗽胸脇支滿多唾上氣酒一升半浸肥阜莢兩挺經宿煮取半升分三服七日忌如藥法若吐多以酢飯三四口止之。

又方薑汁一升半沙糖五合煎薑汁減半內糖更煎服之。

又方白糖五分微煨令消內阜莢末方寸合利相得先食服如小豆二丸。

又方服芥子七丸以油酒下之。

上氣欬嗽乾羌末三兩膠飴一斤二味和令調蒸五升米下以棗大含稍稍咽之日五夜二。

卅年嗽百部根二十一斤搗取汁煎如飴服方寸匕日三。

又方白蜜一斤生羌二斤取汁二味先將銅銚秤知斤兩訖內蜜復秤知數次內羌汁以微火煎令羌汁

盡惟有蜜斤兩在丸如棗大含一九日三禁一切雜食。

又方紫菀二兩款冬花二兩末之食後以飲服方寸匕日三七日差。

久水腹大如鼓烏豆一斗熬令香勿令大熟去皮爲細末餵粥皆得服之初服一合稍加之若初服多後

卽嫌臭服盡卽更造取差止不得食肥膩渴則飲羹汁慎酒肉豬雞魚生冷酢滑房室得食漿粥牛羊

兔鹿肉此據大飢渴時食之可忍亦勿食也此病難治雖諸大藥丸散湯膏當時雖差過後復發惟此

散差後不發終身服之終身不發矣其所禁食物常須少噉莫隨意鹹物諸雜食等。

又方。葶藶末二寸匕。蒼耳子灰二寸匕。調和水服之。日二。

又方。椒目沉水者。取熬之。搗如膏。酒服方寸匕。

又方。水煮馬兜零服之。

水腫利小便。葶藶四兩。生用。桂心一兩。末之。蜜飲下。梧子大七丸。日二。以知爲度。

又方。牽牛子末之。水服方寸匕。日一。利止。

又方。郁李仁末。麩各一升。和作餅子。七枚。燒熟。空腹熟食四枚。不知更加一枚。加至七枚。

大水頭面徧身腫脹。苦瓠白穰實。揔如大豆。以麩裹。煮一沸。空腹吞七枚。至午當出水。□□升三四日。水自

出不止。大瘦乃差。三日內慎口味也。苦瓠須好。無厭翳細理。研□□□有毒不堪用。崔氏用子作餠

餠服。二七枚。若恐虛者。牛乳服之。如此。隔日作服。漸加至三七枚。以小便利爲度。小便若太多。卽二日

停止。

水通身腫。煎猪椒枝葉如錫。空腹服一匕。日三。痒。以汁洗之。

又方。苦瓠膜二分。葶藶子五分。熬搗爲丸。如小豆大。服五丸。日三。

又方。單服牛尿。大良。凡病水無不差。服法先從少起。得下爲度。

又方。大棗肉七枚。苦瓠膜如棗核大。搗丸。一服三丸。如行十五里久。又服三丸。水出。更服一丸。卽止。

又方煎人尿令可丸如小豆大日三服。

又方葶藶桃仁各等分皆熬合搗爲丸服之利小便。一曰用杏仁。

又方搗生葶藶子酢和服以小便數爲度。

又方燒姜石令赤內黑牛尿中令熱服一升日一。

又方灸足第二趾上一寸隨年壯又灸兩手大指縫頭七壯。

凡卒中風口喎以葦筒長五寸以一頭刺耳孔中四畔以麪密塞之勿令泄氣一頭內大豆一顆并艾燒之令然灸七壯卽差患右灸左患左灸右耳病亦灸之若不能語者灸第三指上百壯若眼反口噤腹中切痛灸陰囊下第一橫理十四壯人卒死者灸法同之。

破傷風腫厚塗杏仁膏燒麻燭遙灸之。

刺傷中風水刮箭羽下漆塗之。

又方服黑牛熱尿一服二升三服卽止。

又方煮韭熟搗之。

又方蠟一兩熱灸熨薄裹其上水出愈。

千金寶要卷之四

瘡痢癥等第十三

凡下痢熱烏梅一升黃連一斤金色者末之蜜和如梧子大二十九日三夜二積久三十年常下痢赤松皮去上蒼皮切一斗爲散麩粥和一升日三服百日差下血日夜百七八十行黃連黃蘗各四兩咬咀醇酢三升煮取一升半分再服赤白帶下亂髮雞子大燒末水服不過三

下冷臍下攪痛赤石脂乾薑各十兩丸如豌豆服十九日三加至二十九

卒下痢黃連五兩生薑一斤咬咀以水五升煮取一升頓服未止更服

久冷白痢日夜五六十行大小腹痛不可忍好麩末五升微熬令和溫清酒令熱和麩末一升空腹頓服日三服若至食時搗蒜一升令至熟下薑椒調和如常食法惟須稠勿加鹽以水和麩二升作索餅極爛煮之乾漉熱內蒜薑臼中相和一頓食之少與餘食至飢時仍準前食麩末酒比至差不過兩日久冷或痢或不痢但患腰腹苦冷者上等新蜀椒三升用酢宿漬之以麩三升和椒一升緊拌煮作粥空腹頓服之加葶鼓鹽任性調和不差更作以差爲限不過三升椒卽愈此不但治冷大治諸虛損冷極

有所益久當自知耳。

瘡或間日或夜發者。燒黑牛尾頭毛。作灰。酒服方寸匕。日三。

又方。無問新久者。小便一升半。蜜三匕。同煮。三沸。頓服。每發日。平旦時服。自至發。勿食。重者。漸退。不過三服。差。

一切瘡。無問遠近。正仰臥。以線量乳間。中屈。從乳向下。灸度頭。隨年壯。男左女右。

五臟諸瘡。灸尺澤七壯。穴是肘約上動脈。

禳瘡法。未發前。抱一大雄雞。時時驚動。令雞作大聲。立差。

卒暴癥。腹中有物。堅如石。痛如斫刺。晝夜啼呼。不治。百日必死。牛膝二斤。咬咀。暴之令乾。以酒一升浸之。

密塞氣口。煎取半。服半升。一服便吐。去宿食。神効。

又卒暴癥。取商陸根。搗碎。蒸之。以新布藉腹上。以藥鋪布上。以衣物覆藥上。冷。復易之。數日勿息。

凡所食不消。取其餘類。燒作末。酒服方寸匕。便吐。去宿食。卽差。如食桃不消者。以時無桃。就樹間得槁桃。

燒服。亦可。

卒食不消。欲成癥積者。煎艾汁如飴。取半升。作一服。便利。吐去宿食。神良。

又方。白艾五尺圍一束。薏苡根一大把。二味煎服。

食魚肉等成癥結并諸毒氣狗屎五升燒末緜裹之以酒一斗浸再宿瀝取清分十服日三服三日使盡隨所食便出矣。

雜中食瘀實不消心腹堅痛以水三升煮白鹽一升令消分三服自吐亦治暴癥。

患癥結病及爪病似爪形日月形或在臍左右或在臍上下若繫在左右肋下或當心如合子大先針其足以椒熨之取一新大盆受一斗者盆底鑽一百二十孔孔上着椒三合上着一重紙紙上着冷灰一升灰上着熟灰半升上着剛炭火一斤經一食頃盆底熱徹當病上初安甌一重即安火盆火盆大熱以漸更加一重若火更熱不可忍加至三重暫歇一口冷飲還上火消二分許則停經三日□□及至七日決得頓差然後食美食自補若小不差作露宿丸服之方在第十六卷中。

繫癥腹堅硬腫起大如盆眠臥不得取藍一斤搗水三升絞取汁合一升日二又方蒴藿根白芨一握研取汁水和服之。

食□得病爲繫癥在心下堅強雞屎一升炒黃取五合以酒一升浸半爲末以所浸酒服方寸匕日三
日中作一劑。

蛟龍病開皇六年三月八日有人食芹得之其人病發似癩癩面色青黃因食寒食錫過多便吐出蛟龍有頭及尾從茲有人患此疾令服寒食錫二斗大驗。

米癥常欲食米。若不得米。則胸中清水出。雞屎一升。白米五合。合炒。令米焦。搗末。以水二升。頓服。取盡。須臾吐。出病。如研米。若無米。當出痰。自此永憎米。不復食。

頭風吐逆第十四

凡食後吐酸水。乾薑茱萸各二兩。治篩。酒服。方寸匕。日二。胃冷服之。立驗。

嘔噦。蘆根切三升。以水一斗。煮取四升。分四服。

乾嘔吐逆。涎沫出者。半夏乾薑等分。咬咀。以漿水一升半。煮取七合。頓服之。日三。

乾嘔。酒浸馬屎一宿。取汁服之。

又方。灸心主尺澤。亦佳。

又方。灸乳下一寸。三十壯。

乾嘔不止。粥食湯藥皆吐不停。灸手間使三十壯。若四厥。脉沈絕不至者。灸之便通。此起死人法。

治噦。煮豉三升。飲汁佳。

又方。空腹飲薑汁一升。

又方。濃煮蘆根汁飲之。

又方。灸承漿七壯。炷如麥大。又灸臍下四指。七壯。

惡心苦瓠穰并子一升碎以酒水三升煮根一升頓服須臾吐下如蝦蟇衣三升又方服小便百日佳

又方麻子一升熬令香熟搗取酒三升熟研濾取一升飲盡日二服盡口石差一切病自能食飲不能瀉者任性多少

食飲輒吐頓服生熟湯三升卽止

吐逆食不住灸胃管百壯三報

吐逆飲食卻出灸脾募百壯三報章門也

咽痛逆氣不能食麻子一升熬令黑以酒一升淋取汁空心一服一升漸至二升多汗好覆勿觸風冷此

方兼理產婦及丈夫中風如角弓反張口噤不開

治婦人氣平旦服烏牛屎日一止

腰痛以酒單服鹿茸與角方寸匕日三

腰腎痛導引法正東坐收手抱心一人于前據躡其兩膝一人後持其頭徐牽令偃臥頭到地三起三臥止便差

腰痛灸法宜針決膝腰句尺一中青赤路脉出血便差

又方。灸脚跟上。橫文中。白肉際。十壯。良。

又方。灸足巨陽七壯。巨陽在外踝下。

又方。灸腰自窞七壯。在尻上約左右。

又方。灸八窞。及外踝上。骨約中。

腰卒痛。灸窮骨上一寸。七壯。左右各一寸。七壯。

頭風。大豆三升。炒令無聲。先以一斗二升瓶。盛清酒九升。乘豆熱。卽傾酒中。密泥頭。七日。溫服之。

又方。服荆瀝。不限多少。取差止。

又方。搗蒟蒻根一升。酒二升。漬服。汗出止。

又方。末蔓荊子二升。酒一升。絹袋盛。浸七宿。溫服三合。日三。

又方。臘月烏雞屎一升。炒黃末之。絹袋盛。以酒三升。浸。溫服。任意。常令醞酣。

又方。七月七日麻勃三升。麻子一石。末相和。蒸之。沸湯一石五斗。三徧淋之。煮取一石。神麴二十斤。漬之。令發。以黍米兩石五斗。釀之。熟封。三七日服清一升。百日。身中澀。皮入風。胸膈五臟骨髓伏風百病。悉

去之。

頭風。沐方。葶藶子煮沐。不過三四度。愈。

又方。蜀椒二升。以水煮。取汁沐髮。良。

白屑。以桑灰汁沐頭。去白屑。神良。

白髮還黑。烏麻九蒸九暴。末之。以棗肉丸。久服之。佳。

又方。隴西白芷。旋覆花。秦椒。各一升。桂心一尺。治下篩。以井花水服。方寸匕。日三。三十日。白髮還黑。禁房室。

千金寶要卷之五

疫癘渴淋第十五

令瘟不相染人。汲水瓶上繩長七寸，盜着病人臥席下，良。

又方，以繩度所住戶中壁，屈繩則斷之。

又方，桃木蠹屎末之，水服方寸匕。

又方，木鼓等分，酒漬服之，妙。

又方，正旦，吞麻子赤小豆各三七枚，又以二七枚投井中。

又方，新布袋盛大豆一升，內井中一宿，出服七枚。

又方，松葉末之，酒服方寸匕，日三。

又方，常以七月七日，合家向日，吞赤小豆二七枚。

又方，常以七月七日，男吞大豆七枚，女吞小豆二七枚。

又方，正旦，取東行桑根，大如指，長七寸，以丹塗之，挂門戶上，又令帶之。

又方，常以月望日，細剉東引竹枝，煮湯浴。

瘴氣。蒜五子并皮碎之。豉心一升。以三歲男兒尿二升。煮五六沸。去滓。服之。良。

又方。青竹茹二升。以水四升。煮取三升。分三服。汗不止者。白朮葉作飲。方寸。日飲。口

盜汗。韭根四十九枚。水二升。煮一升。頓服。

又方。豉一升。以酒二升。漬三日。若服不差。更合。服不過三劑。

消渴。甘草乾薑各二兩。咬咀。水三升。煮取升半。去滓。分二服。又法。有大棗十二箇。

渴利。生栝藿根三十斤。切。以水一石。煮取一斗半。去滓。以牛脂五合煎。水盡。以溫酒食。如雞子大。日三服。

渴口便利。復非淋。榆白皮二斤。切。以水一斗。煮取五升。一服三合。日三。

又方。小豆藿一把。搗取汁。頓服。三升。

又方。薔薇根。水煎。服之。佳。

又方。三年重鵲巢。燒末。以飲服之。

又方。桃膠如彈丸。含之。咽津。

又方。蠟如雞子大。以酢一升。煮。二沸。適寒溫。頓服之。

熱渴。頭痛壯熱。及婦人血氣上衝。悶不堪者。茅根切三升。搗取汁。渴卽飲之。令盡。

消渴病。百日以上者。不得灸刺。

消渴。乾浮萍、栝蔞根等分。末之。以人乳汁和丸。如梧子。空腹飲服二十九日。三三年病者三日愈。治虛熱。大佳。

治渴。黃連一斤。生地黃一斤。又云十斤。絞地黃。取汁。浸黃連。出燥。曝之。燥。復內之。令汁盡。乾之。搗末。蜜丸。如梧子。每服二十九日。三。食前後無在。亦可爲散。以酒服。方寸匕。

大渴。深掘大栝蔞根。厚。削皮至白處。以寸切。水浸。一日。易水。經五日。取出。爛搗。研之。以絹袋濾之。如出粉法。乾之。水服。方寸匕。日三四。亦可粥乳酪中食之。不限多少。取差止。又云。水和栝蔞散。服方寸匕。亦可蜜丸。如梧子大。每服三十丸。

又方。取七家井索。近桶口結。燒作灰。井花水服之。不過三服差。

又方。取鼓漬汁。任性多少飲之。

又方。濃煮竹根。取汁飲之。以差止。

又方。以青梁米煮。取汁飲之。以差止。

消中。日夜尿七八升者。鹿角炙令焦。以酒服五分匕。日三。漸加至方寸匕。

又方。漚麻汁。服一升。佳。

又方。葵根如五升盆大。兩束。又云五六斤。以水五斗煮。取三斗。宿不食。平旦每服三升。

諸淋細白沙三升熬令極熱以酒三升淋取汁服一合

淋痛蒲黃滑石等分末之酒服方寸匕日三

氣淋船底胎如鴨子大水三升煮取二升頓服

又方水三升煮鼓一升一沸去滓內鹽一合頓服亦可單煮鼓汁服

又方水一斗煮比輪錢三百文取三升溫服之

又方搗葵子末湯服方寸匕

又方空心單茹蜀葵一滿口止

又方熬鹽熱熨小腹冷復易亦治小便血

又方臍中着鹽灸三壯

石淋車前子二升絹袋盛水九升煮取三升頓服之石卽出先經宿不得食

又方取浮石使滿一手治下篩以水三升酢一升煮取二升澄清服一升不過三服石出亦治嗽醇酒煮之

又方桃膠棗許大夏以三合冷水冬以三合湯和一服日三當下石子如豆卵石盡止亦治小便出血

又方灸水泉三十壯足大敦是也

膏淋。搗葎草汁二升。酢二合。空心頓服之。當尿小豆汁也。又濃煮汁飲。亦治淋瀝。

熱淋。葵根一升。冬用子。夏用苗。切。大棗二七箇。以水三升。煮取一升二合。分二服。熱。加黃芩一兩。出難。加

滑石末二兩。血者。加茜根三兩。痛者。加芍藥二兩。加藥水亦如之。

又方。白茆根。切。四斤。以水一斗五升。煮取五升。服一升。日三夜二。

又方。常煮冬葵根飲之。

血淋。生大麻根十箇。以水五升。煮取二升。頓服之。亦治小便出血。

又方。大豆葉一把。水四升。煮二升。頓服之。

又方。葵子一升。水三升。煮取汁。日三服。亦治虛勞尿血。

又方。灸丹田。隨年壯。又灸伏留五十壯。又云隨年壯。

五淋。灸懸泉十四壯。穴在內踝前一寸。斜行脈上。是巾封之別名。

又方。灸大敦三十壯。

卒淋。灸外踝尖七壯。

小便血。胡麻三升。搗細末。以東流水二升。漬一宿。平旦絞去滓。煮兩沸。頓服之。

小便出血。龍骨細末之。溫水服方寸匕。日五六服。一云酒服。

又方。搗荊葉取汁。酒服二合。

又方。酒三升。煮蜀當歸四兩。取一升頓服。

又方。煮車前根葉子。多飲之。佳。

又方。刮滑石末。水和。傅繞小腹。仍繞陰際。佳。又治小便不通。

又方。酒服亂髮灰。一云水服。

又方。酒服葵莖灰。方寸匕。日三。

頭面手足癩癧瘡漏第十六

凡口吻瘡。以經年葵根欲爛者。燒作灰。熱傅之。佳。

燕吻瘡。白楊枯枝。鐵上燒。取詣。及熱。傅之。佳。

唇上瘡。經年不差。八月藍。取汁。洗三日。差。

諸瘡因風致腫。燒白芋灰。溫湯調之。傅上。厚三分。乾即易。不過五度。差。

又方。櫟根皮三十斤。剉水三斛。煮令熱。下鹽一把。令的然熱。以浸瘡。當出濃血。日日爲之。差。止。

反花瘡。并積年諸瘡。取牛蒡根。一云牛勞根。熟搗。和臘月豬脂。封上。差。止。

又方。馬齒菜搗封。差。止。

惡露瘡。搗薤菜。傅瘡口。以大艾炷灸藥上。令熱氣入內。卽差。
惡瘡。燒扁竹灰。和楮白汁。塗之。

又方。羊屎。麻根。燒煙斷。膏和封。有汁。乾傅。

惡瘡似火爛。白馬屎暴乾。以河水調。煮十沸。絞取汁。洗之。

身瘡頭瘡。蒿蒲末。傅上。日三。夜二。

惡瘡十年不差。似癩。蛇脫皮一枚。燒末之。豬脂調。傅。醋調。亦得。

又方。苦瓠一枚。咬咀。煮取汁。洗瘡口。日三。又煎。以塗癬。甚良。皆先以泔洗。三日。差。

又方。鹽湯洗。搗地黃葉貼之。

又方。燒猥豬屎。傅之。

又方。燒葇荅子末。傅之。

諸瘡久不差。并六畜瘡。棗膏三升。水三斗。煮取一斗半。數洗。取愈。

代指。甘草二兩。咬咀。水五升。煮取一升半。漬之。若無。用芒硝代之。

又方。以唾調白礪砂。搜麩。作椀子盛唾。着礪砂如棗大。以爪指着中。一日。差。

又方。以毛雜黃土作泥。泥指上。令厚五分。內糖灰中煨。令熱可忍。泥乾。易。數度。差。

又方刺指熱飯中二七徧愈。

又方以麻沸湯漬之即愈。

又方單煮地榆湯漬之半日差。

又方先刮去膿血炙魚鮮皮令溫以纏裹周匝痛止便愈。

又方蜀椒四合水一升煮三沸以漬之。

又方取萎黃芩葉煮湯漬之。

指痛欲脫豬脂和鹽煮令消熱內其中食久住千金翼作和乾薑。

手足指掣痛醬清和蜜溫塗之。

又方灸指端七壯。

手足指逆臚此緣廁上搔頭還坐廁上以指倒捋二七下即差。

凍指馬屎三升以水煮令沸漬半日愈。

人脚冬夏常拆裂雞屎一升水二升煮數沸停小冷漬半日差亦用馬糞。

又方羊膠膠乾故帛貼上。

九漏成鍊松脂末之填瘡孔令滿日三四度七日差。

又方馬齒莧陰乾臘月燭燼等分末之以臘月豬脂調先以暖泔清洗瘡拭乾傅之日三

又方乾牛屎乾人屎搗先幕緜于瘡上緜上着屎蟲聞屎香出若癢卽舉緜去之更取緜着屎如前蟲出盡乃至

又方苦瓠四枚大如蓋者各穿一孔如指大置湯中煮十數沸取一竹筒長一尺內一頭瓠孔中一頭注瘡孔上冷則易之徧止

又方煮鹽花以麪攤病上內鹽花麪匡中厚二寸其下以桑葉三重藉鹽候冷熱得所可忍冷則無益熱則肉破一日一度候病根勢消則止若已瘡者搗稜穀末粉之

又方檮北陰白皮三十斤剉之以水一石煮取一斗去滓煎如糖又取都廁上雌雄鼠糞各十四枚燒令汁盡末內煎中溫酒一升投煎中合攪之羸人五合服之當有蟲出

漏作瘡孔末露蜂房臘月豬脂調傅孔上瘡因風致腫櫟木根皮一斤濃煮入鹽一把漬之

灸瘡不差者每日于上別灸六七壯自差

灸瘡中風冷腫痛但向火灸之瘡得熱則瘡快至痛止日六七灸愈諸漏霜下瓠花暴乾末傅之

又方。搗土瓜根。薄之。燥則易。不限時節。

又方。故布裹鹽如彈丸。燒令赤。末。酒服。

又方。服白馬屎汁一升。

又方。正月雄狐屎。陰乾。末之。水調服。

又方。鹽麩和。燒灰。傅之。

又方。水研杏仁服之。

又方。豬脂一升。酒五合。煎沸。頓服之。

漏下。槐子燒末。酒服。方寸匕。日三。立差。

一切冷瘰。燒人吐出。蛔蟲爲末。先以甘草湯洗瘡。後着灰。無不差者。慎口味。

鼠漏。瘡差復發。以不經水豬脂。咬咀。生地黄。內脂中。令足相淹。和煎。六七沸。桑灰汁洗瘡。去惡汁。以此膏

傅。日一易。

鼠漏腫核未成膿。以柏葉着腫上。熬鹽着葉上。熨之。令熱氣下。卽消。

螻蛄瘦。槲葉灰。先以泔清煮槲葉。取汁洗。拭乾。以灰內瘡中。

蜂瘦。瘡漸大者。熬鹽熨之。三宿。四日不差。至百日成瘦。其狀大如四五寸石。廣三寸。中生蜂作孔。乃有數

百以石硫黃隨多少。然燭燒令汁出。着瘡孔中。須臾間見蜂數十。惟蜂盡。差。

又方。人屎。蛇脫灰。臘月豬膏。調傅之。

又方。蜂窠灰。臘月豬脂。調傅孔中。

瘰癧瘻。雄雞屎灰。臘月豬脂。調封之。

蜚蠊瘻。牛屎灰。和臘月豬脂。傅之。

又方。蜚蠊所推丸末。傅之。

又方。乾牛屎末。傅瘻。則撥卻。更厚封。差止。

又方。熱牛屎。塗之。數數易。應有蜚蠊出。

蚯蚓瘻。蚯蚓屎。雞屎末之。用社豬下頷髓。和傅之。

蝎瘻。五六孔相通者。搗茅根汁。着孔中。

蛇瘻。蛇脫皮灰。臘月豬脂。和封之。

顛當瘻。搗土瓜根。傅至差。慎口味。

雀瘻。取母猪屎灰。和臘月豬脂。傅瘻。蟲出如雀形。

膿瘻。桃花末。和豬脂封之。佳。

石瘻兩頭出令人寒熱搗槐子和井花水封之。

灸漏法葶藶子二合鼓一升搗令極熟作餅如大錢厚二分許取一枚當瘡孔上作大艾炷如小指大灸餅上三炷一易三餅九炷隔三日復一灸之如是頭瘡不可灸葶藶氣入腦殺人。

又方七月七日日未出時取麻花五月五日取艾等分合搗作炷用灸瘡上百壯亦灸瘰癧九漏灸肩井二百壯。

又方灸鳩尾骨下宛宛中七十壯。

又方遶四畔灸差。

諸惡漏中冷息肉灸足內踝上三壯二年六壯。

瘰癧白蘆蠶治下篩服五分匕日三十日差。

又方故鞋氈替燒末五匕和酒一升平旦向日服之行須臾吐鼠三朝服。

又方狼屎末傅之。

又方五月五日取一切種種雜草煮汁洗。

一切瘰癧及觸處但有肉結凝似作瘻及癰節者以獨頭蒜截兩頭留心大作艾炷隨蒜大小貼癰子上灸之勿令上破肉但取熱而已七壯一易日日灸之取消止。

瘦癩灸兩膊裏患癩處宛宛中日一壯七日止神驗。

又方灸五里人迎各三十壯。

又方灸背兩邊腋下後文上隨年壯。

又方灸耳後髮際直脈上七壯。

去面黥鬚成鍊松脂爲末溫酒服三合日三服盡三升無不差。

又方白附子末酒和傅之卽落。

腳氣腫已入胫至小腹脹小便澀少取烏特牛尿一升一服日二取消乃止又云羸瘦人二分尿一分牛

乳合煮乳結服。

口中瘡久不差入胸中並生瘡三年已上不差者濃煎薔薇根汁含之又稍稍咽之日三夜一冬用根夏

用莖葉。

又方角蒿灰傅之一宿知二宿差有汁吐不得咽也。

癬搗刺薊汁服之又服地黃汁佳又燒蛇脫一具酒服又服驢尿良又搗蓑蓉根蜜和傅之一無根字。

又方熱搗煎餅不限多少日一徧薄之良。

又方醋煎艾塗之。

又搗羊蹄根和乳塗之。

瘦昆布二兩洗切如指大。酢漬含咽汁盡愈。

又方。海燕一斤。又云三兩。小麥麪一升。以三年酢一升。麪末暴乾。往反酢盡。搗爲散。酒服方寸匕。日三。忌努力。

瘦上氣短氣。灸肺輸百壯。

瘦上氣胸滿。灸雲門五十壯。

肉瘤勿治。治則殺人。又云。不得針灸。

陰癩。取楊柳枝脚指大。長三尺。二十枚。水煮令極熱。以故布及氈掩腫處。取熱柳枝更互柱之。如此取差。浸淫瘡。以煎餅乘熱搗之。亦治溼癬。

又方。猪牙車骨。年久者。椎破。燒令脂出。熱塗之。

又方。取苦練皮。或枝。燒作灰。傅乾者。猪膏塗。并治小兒禿瘡。諸惡瘡。

癩瘡。酢一升。溫令沸。以生薤一把。內酢中。封瘡上。差止。

又方。炒臘月糟。薄之。

又方。燒故履系末。傅之。

又方燒松根取脂塗之。

燥癩瘡。酢和灰塗之。又熱牛屎塗之。

癩疥瘡。癢不可堪。羊蹄根淨去土。細切熟熬。以酢和熟搗。淨洗瘡。傅上一時間。以冷水洗之。日一。又陰乾。

作末。癢時搔汁出。以粉之。又以生芫根搯之。

又方灸足大指奇間二七壯。灸大指頭亦佳。

白殿。平旦以手掉取韭頭露塗之。極效。

痔第十七

痔以蒲黃水服方寸匕。日三。良。又取桑耳作羹。空腹飽食之。三日食佳。

痔下血。及新產漏下。好礬石一兩。附子一兩。末之。白蜜丸。如梧子大。酒服二九。日三。稍加。不過數日。便斷。

百日服之。終身不發。一方有乾薑一兩。

五痔。十年者。塗熊膽。取差止。一切方皆不及此神良。

又方七月七日。多採槐子。熟搗取汁。內銅器中。重緜密蓋。着宅中高門上。暴之。二十日已上。煎成。如鼠屎。

大內穀道。中日三。亦主瘻及百種瘡。

又方痔下血。及新產漏下。常食菖竹葉。及煮羹粥。大佳。

又方虎頭犀角末之如雞子大和不經水豬脂大如雞子塗瘡上取差

五痔取槐根煮洗之

又方取桃根煮洗之

痔出膿血有蟲傍生孔竅槐白皮一擔剉內釜中煮令味極出置大盆中適寒溫坐其中如浴狀蟲悉出

冷又易之不過二三卽差

久冷五痔便血灸脊中百壯

五痔便血失尿灸回氣百壯穴在脊窮骨上

肛出女萎一升以器中燒坐上熏之卽時入

脫肛蒲黃二兩以豬脂和傅肛上內之二三愈

腸隨肛出者生栝萸根取粉以豬脂爲膏溫塗隨手抑按自得縮入

冷痢脫肛枳實一枚石上磨令滑澤鑽安柄蜜塗炙令煖熨之冷更易之取縮入止

又方鐵精粉內上按令入卽愈

又方生鐵三斤以水一斗煮取五升出鐵以汁洗口再

因寒冷脫肛灸臍中隨年壯

又灸橫骨百壯。

又方。灸龜尾七壯。卽後窮骨是也。

千金寶要卷之六

千金論曰。上醫醫未病之病。中醫醫欲病之病。下醫醫已病之病。思以謂知病于未病之前者。此上智之所能也。知病于欲病之初者。此中智之所及也。若夫已病而求醫。則常情同然。不必論其智不智也。孫氏曰。聖人設教。欲家家自學。人人自曉。尊親有疾。不能療之者。非忠孝也。斯言可謂切至矣。

氣不調。百病自生。衆病積聚。皆起于虛。又曰。虛生百病。藥石有相欺者。入人腹中。遂相鬪爭。力甚刀劍。言不知性氣者。不可服也。凡服食藥餌。須量自己性理所宜。不可見彼得力。我便服之。人患瘡瘍未瘳。不得合陰陽。

婦人妊娠。食羊肝。令子多厄。食山羊肉。令子多病。食驢肉。延月。食兔犬肉。令子無音聲。并缺唇。食驃肉。產難。食雞子及乾鯉魚。令子多瘡。食椹并鴨子。令子倒出。食雀肉。并豆醬。令子面多黦黯。黑子。食雀肉。飲酒。令子心淫情亂。不畏廉恥。食蟹。令子短項。食冰漿。絕胎。多經大驚者。生子患癩。向非常地大小便。必半產。殺人穢污。死喪家人來看視產婦。則難產傷兒。不依產圖。令子母多妨。產乳若在反支月者。浣濯水以器盛出。此忌月方覆之。產婦人衆看。則難產。臨產憂悒。則難產。兒已生。不得自視。穢污便利于懸廁之上。成十二痼疾。產後百日內。勿行房。大忌上廁。只室中上盆。佳。暑月產臥。忌取涼。百日忌服轉瀉藥。月經不去。

大忌合陰陽。生十二疾。臥濕冷地。大忌合陰陽。生十二疾。大忌以冷水洗浴。合陰陽。生十二疾。小兒初生。不以繇裹指。拭口中青泥惡血。則入腹。生百病。初生舉之遲。則中寒。臍帶隔衣咬斷之。不得以刀子截。臍帶留至足跌。短則中寒。下痢。斷臍後浴者。水入臍。令兒腹痛。臍帶中多有蟲。不去之。則入腹成疾。臍留六寸。長則傷肌。短則傷臟。臍不以時截。及按汁不盡。則寒生。臍風。兒生。男以父。女以母。故衣裹之。過厚。皮膚害血脈。發雜瘡而黃。新生兒衣暖太厚。令筋骨緩弱。解脫兒臍。及換衣。如冬月。須閉戶。生三日。朱蜜食多。則脾胃冷。腹脹。喜陰。癩氣急。變噤。而乖。臍帶瘡未愈。數洗浴。令兒患陰頰。兒太飽。則吐。及風中臍。夏不去熱乳。令兒嘔逆。冬不去寒乳。令兒效痢。母新房。以乳兒。令兒羸瘦。交脛不能行。母有熱。以乳兒。令變黃。不能食。母怒。以乳兒。令喜驚發氣疝。又令上氣。顛狂。母新吐下。以乳兒。令兒虛羸。母醉。以乳兒。令兒身熱。腹滿。乳兒當極按散其熱氣。勿令奔出。乳兒不得用宿乳。母欲寐。則不得乳兒。恐失飢飽。及填兒口鼻也。浴兒水不冷熱得所。則令兒驚。亦致五臟病。(兒冬不可)兒冬不可久浴。久浴則傷寒。夏不可久浴。久浴則傷熱。數浴背冷。則發癩。小兒不浴。又令兒毛落。衣暖至汗出。卻外風入腹。為病。因驚怖大啼。多為病因。先不哺乳。吐而變熱者。為癩。新生無病。懼不可逆針灸。衣甚薄。則乳食不消。大便醋臭。此欲為癖也。乳哺食節作疾。新生一歲兒。外人來。氣息忤之。則為客忤。病雖是家人。或別房異戶。從外還者。不避之。為客忤。雖是乳母。及父母從外來。亦能令兒為客忤。一應親戚。及外來人。有衣服。經履。鬼神。蠱惡。暴氣。或牛馬之。

氣并能令兒爲客忤。一應人執作喘息及乳母乳氣未定者，并能爲客忤。乳母遇醉及房勞喘後，乳兒最劇。能殺兒。凡諸乘馬行，得馬汗氣息未盥洗，易衣裝而便向兒邊者，令兒中馬客忤。一歲兒勿見馬來，及聞馬鳴驚，能令兒作客忤。兒衣布帛中及履中，不得有頭髮，白衣不得用青帶，青衣不得用白帶，皆能爲客忤。凡非常人及諸物從外來，亦驚小兒致病。欲防之法，當將兒避之。若不避者，當燒牛屎，令常有煙氣。置戶前則善。秋初夏末晨夕暴冷，不避之，多患肚熱下痢。小兒解着傷風，亦作傷寒病。尋常晚夜及陰雨夜，小兒衣物不得在露地。有釣星鬼禽喜落毛羽于人中庭，置兒衣中，便令兒作癩病，必死。七八月尤忌。兒生未能行而母再有娠，使兒飲此乳作魘病。小兒飲食過度，不知自止作疾。小兒夏月積冷，洗浴過度，及乳母亦將冷水洗浴，以冷乳飲兒，兒壯熱，忽值暴雨涼，即令兒病痢等。夏月暴寒，小兒不避之，入胃則暴病。中客忤，心腸脹滿刺痛，口噤，氣急停屍，卒死者，服張仲景備急丸。

人失明之本，有十六件事。生食五辛，接熱飲食，熱食麪食，飲食不已，房室無節，極目遠視，數看日月，夜視星火，夜讀細書，月下看書，抄寫多年，雕鏤細作，博奕不休，久處煙火，泣淚過多，刺頭出血過多，又由馳騁田獵，冒涉風霜，迎風追獸，日夜不息之所致也。

地因寒暑風溼，皆作蒸氣，人足履之，謂之風毒，名爲脚氣。婦人產後尤宜慎此。四時之中，不得久立久坐，溼冷之地，令人作脚氣病。酒醉汗出，脫衣靴襪，當風取涼，皆成脚氣。患脚氣人，忌大怒，忌房室，忌牛羊肉。

蒜。葢菜。菘菜。蔓菁。瓠子。酒麪。酥油。乳糜。猪雞鵝鴨。不得犯之。一方用鯉魚。外魚亦忌。又忌生果酸酢之食。宜食生牛乳。與生栗子。及粳梁粟米。醬。鼓。蕪。菲。薤。椒。薑。橘皮。

病有三患。一患覺之晚。二患驕狠恣傲。三患狐疑不決。犯之多枉傷性命。故曰法爲信者施。不爲疑者設。欲臨近亡人。宜將少金牙散塗鼻孔耳門。及視疾者亦然。亦宜帶絳囊一方寸匕。男左女右。

新食畢取風者。令人患胃風。因醉取風者。令人患漏風。新沐浴畢取風者。令人首風。新房室畢取風者。令人患內風。尊貴人骨弱肌膚盛。因疲勞汗出。偃臥。不時動搖。被微風所及。得血痺疾。凡常之日。忽然暴熱。頓取涼快意。生病亦然。暴寒亦然。

冬時嚴寒。最宜周密。若觸冒之者。爲傷寒。四時之氣。皆能爲病。其傷寒尤重。以其殺厲之氣故也。辛苦之人。春多患溫病。以冬時多觸冒寒冷所致。時行之氣。犯之多病。所謂時行之氣者。春時應暖而反大寒。夏時應熱而反大冷。秋時應涼而反大熱。冬時應寒而反大溫。凡熱病大病。新差之後。食猪肉。及羊血肥魚。油膩等物。必大下痢。醫所不能治。食餅餌。黍黍。餈。哺。鱸。炙。棗。栗。諸果物。肺脩。及堅實難消之物。胃氣尙虛。弱不能消化。必更結熱。下之則大痢難禁。不下之必死。下之復危。皆難治也。不可不慎。但得食糜粥。寧少食。令飢勿飽。不得他有所食。引日轉久。可漸食羊肉白糜。若羹汁。雉兔鹿肉。不可食猪狗肉。當靜臥。勿早起。梳頭洗面。非但不可體勞。雖言語亦不得多。亦不得生心用意煩勞。凡上氣事。並令人勞復。女勞當舌。

吐數寸而死。凡差未滿百日。氣力未平復。而以房室者。略無不死。未滿五日。食一切肉麪病。更發大困。食生魚鮮。下痢必不止。食生菜。令人顏色終身不平復。病新汗解。飲冷水者。損心胞。令人虛。補不復。食生菜及羊肉者。必膈。上作熱。蒸食犬羊等肉者。骨中蒸熱。食魚肉與瓜生菜。令人身熱。食鱸者。病發必大困。早起勞多。及美飲食過多。致發欲死。

穀疸者。由失飢大食。胃氣衝熏所致。酒疸者。由大醉當風。入水所致。女勞疸者。由大勞大熱。而交接畢。入水所致。黃疸。有人以竹筒使人極吹病人鼻中者。無不死。大慎之。

夏傷暑。至秋作瘡。冬中于風寒氣。藏于骨髓中。至暑有所用力。腠理開。又中邪氣。能作瘡。肺有熱。因有所作。用力。腠理開。能令作瘡。

交接損。令人卵縮筋攣。

食生物。令蟲卵生。入腹者。成蟲。蛇及魚鼈。勞倦。或飲食過常。作吐血。

服藥吐利後。常須閉口少語。于無風處。溫牀暖食。將息。

凡人執作。汗出當風。因以房室過度。醉飲飽滿。行事。令心氣逼迫。短氣脈悸。得風癩病。熱沐髮而濕結之。腦汗未止。得濕癩病。

因大驚。及當風從高墜下。致喜悲。善恐怖。如有鬼物患。

有所擊仆。若醉飽入房。汗出當風。則必傷脾。

凡患痢服止藥。初間痢須轉劇。恐人不能便。不服其藥。此誤也。但服不過。再三服之。痢病通。忌生冷酢滑。豬雞魚油。乳酪酥乾肺醬粉鹽。所食諸食皆須大熟爛爲佳。亦不得傷飽。

凡疳鹽醬酢酥油棗皆忌。惟白飯。豉。苜蓿。苦苣。蕪菁。不在禁限。

凡日月蝕時。忌食飲。腹中生蠱蟲。及房室生子不具足。必患月蝕瘡。日月蝕不得與兒乳。日月生後。乃不忌。令人口臭。齒斷宣露。常有血出。舌上生瘡。

飲酒當風入肺。膽氣妄泄。卽令人目青氣喘。酒客勞倦當風。喜怒氣含于肺。面目黃腫。卽頭眩。欬逆上氣。時忽忽欲絕。心下弦急。不能飲食。或吐膿血。胸痛引背。支滿欲嘔。

七氣者。寒氣。熱氣。怒氣。悲氣。喜氣。憂氣。愁氣。此七種氣積聚。堅大如杯。若拌在心腹中。疾痛不能飲食。時來時去。每發欲死。如有禍祟。

尸疰鬼疰者。卽五尸之中。尸疰也。又挾諸鬼邪爲害者也。其大略。令人寒熱淋瀝。沉沉嘿嘿。不知其所苦。而無處不惡。累年積月。漸就頓滯。以至于死。死後復注易傍人。乃至滅門。覺如此候。宜急療之。人有九蟲。其蟲凶惡。人之極患也。常以白筵草。沐浴。佳根葉皆可用。旣是香草。又尸蟲所惡也。凡服補藥。及治諸病。皆須先去諸蟲。并痰飲宿癖。醒醒除盡。不爾。必不得藥力。脾勞熱。有蟲在脾中。令人好嘔。肺勞。

熱生蟲在肺腎勞熱四肢腫急有蟲曰蠱蟲如菜中蟲在腎人得傷寒及天行熱病腹中有熱及人食少腸胃空虛若齒斷無色舌上盡白甚者唇裏有瘡四肢沉重忽忽喜眠當數看其上唇內有瘡唾血唇內如粟瘡者心內懊懣痛悶者此有三蟲在上蝕其五臟下唇內生瘡者其人喜眠此蟲在下蝕其下部人不能知可服蝕蟲藥不爾醫蟲殺人熱病蝕毒令人喜寐不知痛處而面赤如醉下利膿血當數視其下部大小之孔稷稷然亦則是醫蟲也劇能殺人

若有所用力舉重若入房過度汗出如浴水則傷腎人因身勞汗出衣裏冷濕久而得腎著之病身體重腰以下如帶五千錢腰中冷如冰又其人本來不吃忽然塞吃而好嘔悲反常性此腎之傷也取寒眠地臥冷濕地氣所傷則腰痛墜傷腰則腰痛房室後用則腰痛肝傷善夢心傷善忘脾傷善飲肺傷善痿腎傷善唾骨傷善飢肺傷善嗽遠思強慮傷人憂恚悲哀傷人喜樂過度傷人忿怒不解傷人汲汲所願傷人戚戚所患傷人寒暄失所傷人

五勞七傷有小腹急痛膀胱虛滿手足逆冷食飲苦吐酸痰嘔逆泄下少氣目眩耳聾口焦小便自利者虛損少氣腹脹內急拘引小腹至冷不得屈伸不能飲食寒熱頭痛手足逆冷大小便難或復下痢口乾夢中泄精或時吐逆恍惚面色枯瘁又復微腫百節酸疼者

五勞七傷虛羸不足面色黎黑手足疼痛久立腰疼起則目眩腹中懸急而口絕傷外引四肢者

虛勞寒口。飲在脇下。決決有聲。飲已如從一邊下。決決然也。有頭並衝皮起引兩乳內痛。裏急。善夢失精。氣短。目眈眈。忽忽多忘者。

五勞七傷。小腹急。臍下膨亨。兩脇脹滿。腰脊相引。鼻口乾燥。目暗眈眈。憤憤不樂。胸中氣急。逆不下飲食。莖中策痛。小便黃赤。尿有餘瀝。夢與鬼神交通。去精驚恐虛乏者。

凡男女有因積勞損。或大病後不復常。苦四體沉滯。骨肉酸疼。吸吸少氣。行動喘憊。或小腹拘急。腰背強痛。心中虛悸。咽乾唇燥。面體少色。或飲食無味。陰陽廢弱。悲憂慘戚。多臥少起者。

有大勞。虛劣。寒熱。嘔逆。下焦虛熱。小便赤痛。客熱上熏。頭痛。目疼。骨肉痛。口乾者。

有虛勞不足。四肢煩疼。不欲食。食則脹。汗出者。

有虛勞少氣。胸心淡冷。時時驚惕。心中悸動。手脚逆冷。體常自汗。腸鳴風濕者。

有虛勞損。羸乏。欬逆。短氣。四肢煩疼。腰背引痛。耳鳴。面黎黑。骨間熱。小便赤黃。心悸目眩者。

有大虛不足。小便數。噓吸焦燥。引飲。膀胱滿急者。

有左脇氣衝膈上滿。頭上有風。如蟲行。手足頑痺。鼻塞。脚轉筋。兩目時腫痛者。

有虛損。短氣。咽喉凝唾不出。如膠塞咽喉者。

有五勞六絕。其心傷者。令人善驚。妄怒。無常者。

有五勞六絕。其脾傷者。令人腹滿喜噫。食竟欲臥。面目痿黃者。
有五勞六絕。其肺傷者。令人少精。腰骨痛。四肢厥逆者。

有五勞六絕。其肝傷者。令人少血。面黑者。

有五勞六絕。其腎傷者。有積聚。少腹腰背滿痺。欬唾。小便難者。

六絕之爲病。皆起于大勞。脈虛。外受風邪。內受寒熱。令人手足疼痛。膝以下冷者。

有五勞六絕。腹中雷鳴。時時泄痢者。

有五勞六絕。或閉或痢。面目腫。心下憤憤不欲語。憎聞人聲者。

有五勞七傷。八風十二痺。無有冬夏。悲憂憔悴者。凡是病。皆須服之者。

有虛勞百損者。

有五勞六極七傷虛損者。

男子女人虛損傷絕。頭目眩。骨節煩痛。飲食微少。羸瘦百病者。

有虛勞腎氣不足。腰痛。陰寒。小便數。囊冷濕。尿有餘瀝。精自出。陰痿不起。忽忽悲喜者。

有五勞七傷六極。強力行事舉重。重病後。骨髓未滿。而行房室。所食不消。胃氣不平者。

有五勞七傷。每事不如意者。

有陰下濕癢汗出或生瘡莖中痛者。

有溺血者。

有膀胱冷欬唾有血喉鳴喘息者。

有膀胱腎冷坐起欲倒目眩氣不足骨痿者。

有膀胱寒小便數漏精稠厚如白米泔者。

有胞屈僻津液不通者。

有尿白濁者。

有胞轉者。

有上焦熱腹滿而不欲飲食或食先吐而後下肘攣痛者。

有上焦飲食下胃汗出面背身中皆發熱者。

有上焦冷下痢腹內不安食好注下者。

有上焦閉塞乾嘔嘔而不出熱少冷多好吐白沫青涎吞酸者。

有中焦實熱閉塞上下不通隔絕關格不吐不下腹滿澎澎喘急者。

有中焦熱水穀下痢者。

有中焦寒。洞泄下痢。或因霍亂後。瀉黃白無度。腹中虛痛者。

有下焦熱。大小便不通者。

有下焦熱。或下痢濃血。煩悶恍惚者。

有下焦熱毒痢。魚腦雜痢。赤白。臍下小腹絞痛。不可忍。欲痢不出者。

有膀胱三焦津液不下。大小腸中寒熱。赤白泄痢。及腰脊痛。小便利。及婦人帶下者。有下焦虛寒。津液不止。短氣欲絕者。

有下焦虛寒損。或見血後便轉。此爲亡血。或利或不利。

有下焦虛寒損。或先便轉。後見血。此爲遠血。或利或不利。好因勞冷而發者。

有三焦虛損。或上下發泄吐。唾血。皆從三焦起。或熱損發。或因酒發者。

有手足厥冷脈絕者。

有下焦虛寒損。腹中瘀血。令人喜悲。不欲聞人語。胸中噎塞而短氣者。

有吐下汗出。而小便復利。或下利清穀。裏外熱。脈微欲絕。或發熱惡寒者。

凡霍亂。務在溫和將息。若冷則遍體轉筋。此病定。一日不食爲佳。仍須三日。少少喫粥。三日已後。可依常食。七日勿雜食爲佳。所以養脾氣也。

有霍亂吐下脹滿食不消心腹痛者。

有霍亂吐利止而身體痛不休者。

有霍亂轉筋血冷汗出嘔哕者。

有霍亂吐利已斷汗出而厥四肢拘急不解脈微欲絕者。

有霍亂已服理中四順熱不解者。

有婦人霍亂嘔逆吐涎沫者慎不可下。

有年老霍亂羸劣冷柔惡心食飲不化心脹虛滿拘急短氣嘔逆四肢厥冷心煩氣悶而須汗者。

有壽冷霍亂吐利煩嘔轉筋肉冷汗出手足指腫喘息唾死絕語音不出者。

有霍亂蠱宿食不消積冷心腹煩滿鬼氣者。

有霍亂洞下不止者。

有霍亂引飲飲輒乾嘔者。

有先服石人因霍亂吐下服諸熱藥吐不得止因卽變虛心煩手足熱口乾燥欲得水嘔逆迷悶脈急數者。

有時行熱病後毒未盡因霍亂吐下仍發熱心胸欲裂者。

有霍亂皆因飲食非關鬼神因飽食臃腫復粲乳酪海陸百品無所不噉眠臥冷席多飲寒漿胃中諸食結而不消所致思謂此說止爲貴者言若貧下此症亦以瓜李生冷不慎致然

霍亂人忌與米飲胃中得米卽吐不止但與厚朴葛根飲若冬瓜葉飲但沾漬咽喉而不可多與若服湯時隨服吐者俟吐定乃止診脈絕不通以桂合葛根爲吐下心煩肉熱汗出不轉筋脈急數者可犀角合葛根爲飲吐下不止發熱心煩欲飲水可少飲米粉汁爲佳若不止可與葛根薺萘飲服之
婦人霍亂嘔吐者

霍亂四逆吐少嘔多者

霍亂久將遠行預備者

霍亂永不發丸者

中熱霍亂暴利心煩脈數欲得冷水者

陰陽二氣擁而反戾陽氣欲升陰氣欲降陰陽乖隔變成吐利頭痛如破百節如解遍體諸筋皆爲回轉論症雖小卒病之中最爲可畏雖臨深履危不足以喻之

人生放恣者乘盛壯之時不自慎惜快情縱慾極意房中稍至年長腎氣虛竭百病滋生時服石散真氣既盡石氣孤立惟有虛耗唇口乾焦精液自洩或小便赤黃大便乾實所食之物皆化作小便此皆由房

室不節之所致也。

熱結中焦則爲堅。

下焦熱則爲溺血。令人淋閉不通。

氣淋之爲病。溺難澀。常有餘瀝。

石淋之爲病。瘕中痛。溺不得出。

膏淋之爲病。尿似膏自出。

勞淋之爲病。勞倦卽發。痛引氣衝下。

熱淋之爲病。熱卽發。甚則尿血。

下焦結熱。小便赤黃不利。數起出少。瘕痛。或血出。溫病後餘熱。及霍亂後當風。取熱過度。飲酒房勞。及行

步冒熱冷飲。逐熱熱結。下焦作淋。及散石熱動。關格。小腹堅。胞脹如斗。諸有此淋。悉治之立驗。

錄忌如左

喪孝。

產乳。

音樂。

一切魚。

一切肉。

誼戲。

房室。

酢滑。

生冷。

蒜。

粘食。

米豆。

油膩。

右並忌不得食及不得用心。其不禁者，並具本方之下。再發若不爾，若雖差復發，復發不可治。婦人產後，飲水不即消，三焦決漏，小便不利，仍相結，漸漸生聚，遂流諸經絡，故也。忌腹上出水，出水者一月死，大忌之。

第一唇黑傷肝。

第二缺盆平傷心。

第三臍出傷脾。

第四背平傷肺。

第五足下平滿傷腎，熱結爲淋者。

人氣急，積久不差，成水病者。

有患水腫，細腹堅如石，小勞苦，足脛腫，小飲食，便氣急，此終身疾，不差服丹參亦可愈。酒客有虛熱，當風飲冷水，腹腫陰復脹滿者。

水病有通身洪腫者，流腫者，百藥治不差而欲死者，有大腫，眼合不欲開，短氣欲絕者。男子女人新久腫，得暴風入腹者。

婦人新產上廁，風入臍腹中，如馬鞭者，噓吸短氣，欬嗽者。

耆婆萬病丸

牛黃

麝香

犀角

一方云一分

今各一分

桑白皮

茯苓

乾薑

桂心

當歸

芎藭

芍藥

甘遂

黃芩

蜀椒

細辛

桔梗

巴豆

前胡

紫苑

蒲黃

葶蘆

防風

各一分

蜈蚣

石蜥蜴

人參

寸一

朱砂

雄黃

黃連

大戟

芫花

禹餘糧

芫青

七枚

右三十一味。並令精細。牛黃麝香犀角朱砂雄黃禹餘糧巴豆別研餘者。合搗重絹下篩。以白蜜和。更搗三千杵。密封下。破除日。平旦空腹。酒服三丸。如梧子大。取微下。三升惡水。爲良。若卒暴病。不拘平旦早晚。皆可服。但以吐利爲度。若不吐利。更加一丸。或至三丸五丸。須吐利爲度。不得限丸數。病強藥少。卽不吐利。更非他故。若其發遲。以熱飲汁投之。若吐利不止。卽以醋飯三兩口。止之。服藥忌陳臭。生冷。醋滑。粘食。大蒜。豬雞。魚狗。牛馬。驢肉。白酒。行房。七日外始得。一日服。二日補之。得食新米。韭骨汁。作羹粥。臠食之。三四頓。大良。亦不得全飽。產婦勿服。吐利以後。常須閉口。少語。于無風處。溫牀暖室。將息。若旅行。卒暴無飲。以小水送之。爲佳。若一歲以下小兒。有疾者。令乳母服兩小豆。亦以吐利爲度。近病及卒病。皆用。多積久。疾病卽少服。常取微溘利爲度。崔氏無黃芩。桑白皮。桔梗。防風。爲二十七味。

萬病丸。治症。開錄如左。

卒病欲死

蠱毒吐血腹痛如刺。

卒中惡口噤

五疰鬼刺客忤

猫鬼□□□

瘧病未發前一日

諸有痰飲

患冷癖

宿食不消

癥瘕積聚

拘急心腹脹滿心痛。

上氣喘逆胸滿不得臥。

傷寒時行

大痢

疳濕

水病

頭痛惡寒

小便不通

大便不通

耳聾聾耳

鼻衄

癰腫

疔腫

犯疔腫血出

胸背腰脇腫

癩瘡用萬病丸傅之。

瘰瘡

痔瘡

冷瘡積年不差者。

癰瘡

惡刺

蝮蛇螫

蝎螫

蜂螫

婦人諸疾胎衣不下。

小兒客忤

小兒驚癇

小兒乳不消心腹脹滿。

仙人玉壺丸

雄黃 藜蘆

丹砂

礬石

一作礬石

巴豆

八角附子

各二兩

右六味先搗巴豆三千杵次內礬石又搗三千杵次內藜蘆三千杵次內附子三千杵次內雄黃三千杵次內丹砂三千杵內蜜又搗萬杵若不用丹砂內珍珠四兩無在每內藥輒治五百杵內少蜜恐藥飛揚治藥用王相吉日良時童子齋戒爲良天晴明日無雲霧白晝藥成封密器中勿泄氣着清潔處大人服

丸如小豆欲下病者宿勿食平旦服二丸不知者以粥飲發之令下下不止飲冷水以止之病在膈上吐膈下利或但噫氣卽已若欲漸除及將服消病者如麻子大三丸卒中惡欲死不知人以酒若湯和二丸強開口灌喉中鬼疰病百種不可名漿水服二丸日再

玉壺丸治症開錄如左

男女與鬼交通歌哭無常

腹中若有蟲欲鑽脇出狀急痛一止一作

憂悲氣結在胸心若連噫及欬胸中刺痛

心腹切痛及心中熱

癖飲痰飲

諸疝

卒上氣氣但出不入并逆氣衝喉胃中暴積聚

癥結堅痞

積寒熱痞

食肉不消腹堅脹

腹中三蟲

下痢重者

卒關格不得大小便欲死。

瘡已發未發。

卒霍亂心腹痛煩滿吐下手足逆冷并寒熱往來。

傷寒救瀉時氣熱病。

淋瀝疲瘦百節酸疼。

頭卒風腫

癰疽瘰癧瘰癧及欲作瘰。

鼠瘦

中水毒

齒痛

耳聾膿血汁出及卒聾。

風目赤或癢視物漠漠淚出爛。

中蠱毒吐血腹內如刺。

中蛇蝮諸毒。

獬犬所咋。

狂馬所咋。

婦人產後餘疾及月水不通往來不時。

婦人胸中苦滯氣氣息不利小腹堅急繞臍絞痛。

小兒百病驚癇痞塞及有熱。

小兒大腹及中熱惡毒食物不化結成積聚。

小兒寒熱頭痛呼熱及吐衄。

小兒羸瘦丁奚不能食食不化。

欲問人孝省人病先服之及繫頭上。

頭上繫玉壺丸辟百鬼。

獨宿山澤冢墓廟社叢林之中燒一丸百鬼走去以蠟和一丸如彈丸着絳囊繫臂男左女右山精鬼魅皆畏之。

千金須知

中慢驚爲陰癩。

緩縱爲非。

淋爲癰。

黃爲痺。

強直爲瘥。

喘嗽爲欬逆。

隔氣爲膏盲。

熱死爲喝。

怔忡爲悸。

利爲滯下。

臟毒爲痢之蠱毒。

腸風爲腸滯下血。

咳逆爲噦逆。

服金石藥爲服石。

度者量也。

漬者浸也。

和者調也。

傅者塗也。

暴者噉也。

咬咀者秤畢細切也。

三兩者今之一兩。

三升者今之一升。

方寸匕者，正方一寸，散子以不落爲度。

錢匕者，五銖銅錢上全抄也。

錢五匕者，今五銖錢邊五字者，以抄之，令不落爲度。

半錢匕者，一錢抄取一邊。

梧桐子大者，以二大豆準之。

刀圭者。如梧桐子大。

一撮者。四刀圭。

如彈丸。如雞子者。十梧桐子準之。

一升者。取平升爲正。

一把者。二兩。

草一束者。三兩。

桂一尺者。削去皮半兩。

甘草一尺者。二兩。

蜜一斤者。有七合。

豬膏一斤者。二升二合。

半夏一升者。洗畢五兩。

椒一升者。三兩。

吳茱萸一升者。五兩。

兔絲子一升者。九兩。

薤間子一升者四兩。

蛇牀子一升者三兩半。

地膚子一升者四兩。

巴豆以枚計者去皮心二分準豆六枚。

附子烏頭以枚計者去皮半兩準二枚。

枳實以枚計者去穰二分準二枚。

棗三枚準一兩。

生薑一累半兩。

此書初得華州石刻舛譌最多。繼得華州木刻及蜀中及郭武定木刻其譌猶華之石刻也。其門類錯亂者。茲皆類明拾遺一段。茲皆附之各類。小兒兩類併而爲一。爲其便于檢閱也。其間有字句之謬。可以意會者。乃敢更之。中有文字高古不能讀者。不敢輒易。乃仍舊焉。自千金論起。至若有所舉重段止。似欲人知所避忌也。自五勞七傷有小腹急痛起。至婦人新產上廁段止。既無治法。又無令人避忌之意。自五勞段。數至第二段。中有凡是病者。皆須服之之句。後淋閉論末。又云悉服之立驗。或亦萬病玉壺各有所主也。因併及之。

委官李海立 生員謝沾書 殷祿鄒鳳臯刻